

# TSA BOKAMOSO BA LEFATS'E

---



---

Bangoli: J. Mahao le  
P. Thinyane

---

**TSE KAHARE:****LEQEPHE**

1. Qaleho Ea Sebe.....	2
2. Leano La Topollo.....	5
3. Boemo Ba Bafu.....	8
4. Kahlolo E Teng.....	11
5. Bonang O Tla Ka Maru.....	14
6. Lilemong Tse Sekete.....	16
7. Mollo Oa Lihele.....	21
8. Ke Labalabela Ho Kena Paradeiseng.....	27
9. Tseba Ka Sabbatha.....	35
10. Na Sontaha Ke Letsatsi La Borapeli?.....	49

## 1. QALEHO EA SEBE

Motho e mong le e mong ea phelang lefats'eng, ekaba ea lumelang ho Molimo kapa ea sa lumelang ho eena, o khathatsoa ke ntho e le 'ngoe feela; "ekaba bobbe boo bo tletseng lefats'eng bo tsoa hokae?"

Ke lipolaeano, bokulo, tlala le maqakabetsi ao re a bonang. E, motho oa ipotsa, "hantle ho senyehile hokae"?

Bibele ke eona feela e nang le karabo kantle ho qea-qeo mabapi le potso ena.

### SEBE SE QALILE KA LENGELI LE NENG LE BITSOA LUSIFERA/MPHATLALATSANE LEHOLIMONG

"U no le Edene, ts'ímong ea Molimo, u no apesitsoe ka mahakoe 'ohle a mefuta...Ha hao, ho no lokisitsoe tsébetso ea meropa le ea liphala, ha e sa le u hlaha. U no le kerubime e lipheo li otlohileng...U 'nile ua tsamaea ka metsamao e phethehileng, ha e sa le u hlaha, ho fihlela bokhopo bo fumanoa ho uena". (**Ezekiele 28:13-15**).

Mefuta ea mangelo e re e fumanang ka Bibeleng ke Lirafime le Likerubime. Lirafime li na le mapheo a tséletseng. (**Sheba Esaia 6:2**). Ha Likerubime tsona li na le mapheo a mabeli (**1 Marena 8:7**), ebile e le mofuta oa mangelo o haufi haholo le ntate Molimo. "Davida a tloha, a e-na le sechaba sohle see a nang le sona, a ea Baale-Juda, ho lata areka ea Molimo teng, eo lebitso la Jehova oa makhotla ea lutseng pakeng tsa

likerubime le bitsoang ho eona". (**1 Samuele 4:4**).

Lusifera e ne le lengeloi le apereng botle, le tsebang ho bina, ebile e le moetapele oa mangeloi a leholimo. Ka mabaka ana, eaba le se le batla ho khumameloa ke mangeloi a mang. "Pelo ea hao e ne e ikhohomositse ka botle ba hao, u no u bolisitse bohla ba hao ka baka la bokhabane ba hao... (**Ezekiele 28:17**).

### NTOA EA EBA TENG LEHOLIMONG KA BAKA LA SEBE SA SATANE

Lebitso la Lusifera le ile la fetoloa kamora sebe sa hae, eaba o se a bitsoa SATANE.

Satane o ile a atleha ho susumetsa karolo e 'ngoe ea mangeloi hore e kene borabeleng khahlanong le molao oa ntate Molimo. Sena eaba se ritela ntoa leholimong, kaha maikutlo a neng a se a rena a ne a se a le mabeli; botle le bobbe. "Joale ntoa ea e-ba teng leholimong, Mikaele (Kreste) le mangeloi a hae a loantsá drakone. Drakone ea loana, e e-na le mangeloi a eona. Empa ha ba ka ba hlola, 'me ha ba ka ba hlola ba e-na le litulo leholimong". (**Ts'enolo 12:7-8**). Ntoa ena e ne e se ea lisabole kapa likoakoa, e ne e le ntoa ea maikutlo a sa lumellaneng. Qetellong, Satane le mangeloi a hae ba lihelo a mona lefats'eng, kaha leholimong ha ho rene bokhopo le sebe. "Me drakone e kholo, e leng noha ea khale, e bitsoang Diabolose le Satane, e thetsang lefatsé kaofela, ea lihelo; ea lahleloa ntle, ea

lihelo a lefatséng, le mangeloi a eona. Thabang ke hona, maholimo, le lona ba ahileng teng. Ho malimabe lona ba ahileng lefatséng le leoatleng; hobane Diabolose o theohetse ho lona a halefile hampe, ka ho tseba hobane nako ea hae ha e sa le ekae”. **(Ts’enolo 12:9, 12).**

Motsoalle, ana u ne u tseba hore u tlokotsing ka lebaka la Satane? “Aparang lihlomo tsohle tsa Molimo, le tle le tsebe ho hlola lihlole tsohle tsa Diabolose. Hobane ntoa ea rona ha e loane le nama le mali, empa e loana le baholo, le mebuso, le marena a lefifi a lefatsé lona, le meea e bolotsana e sebakeng sa leholimo. **(Baefese 6:11-12)**

**Sebe Se Qalile hokae, ka mang?**

**NTOA E NTSE TSOELA PELE LE HONA TJENA**

Kaha Satane ha a sa na monyetla oa ho loants’a Jesu ka kotloloho, o se a loants’a Jesu ka ho etsa hore thaka tsa leihlo la hae, eleng ‘na le uena, re oele sebeng. “Le tsohe masene, le falimehe; hobane Diabolose, e leng sera sa lona, o ntse a lika-lika joalo ka tau e purumang, e batlang eo e ka mo jang”. **(1 Peterose 5:8).**

Ka hona, u lokela ho inehela ho Krete. “Ka baka leo, ipeeng ka tlase ho Molimo, le hanele Diabolose, ‘me o tla le balehela. Atamelang Molimo, ‘me o tla le atamela. Baetsalibe, hatlelang, ‘me lona ba pelo li peli, hlatsoang lipelo tsa lona”. **(Jakobo 4:7-8).** “Eaba Jesu o re ho barutuo ba hae:

ekare ha motho a rata ho ntatela, a ke a itele, a ipelese sefapano sa hae, ‘me a ntsále morao. **(Matheu 16:24,** sheba le **(Ba-Galata 5:16-25).** U lule u rapela; “Se phetseng ho rapela” **(1 Thesalonika 5:17),** hape u bale lentsoe la Molimo; “...Motho a ke ke a phela ka bohobe feela, empa o tla phela le ka polelo tsohle tse tsoang molomong oa Molimo”. **(Matheu 4:4,** sheba le **Esaia 34:16).**

**MAFU, LIPOLAEANO LE LITLALA KE LITLA-MORAO TSA SEBE**

Lefu le teng ka lebaka la sebe; “Hobane moputso oa sebe ke lefu” **(Ba-Roma 6:23).** Pele ho sebe, lintho tsohle tseo Molimo o li hlolileng li ne li le ntle, li se na leha e le sekoli. “Molimo oa bona tsohle tseo o li entseng hoba li molemo haholo”. **(Genese 1:31).**

Tseba hee ngoaneso hore motso oa bobbe bohle bo teng koano lefats’eng ke Satane. “Ea etsang sebe ke oa Diabolose; hobane Diabolose oetsa sebe e sa le ho qaleng. Lebaka leo Morá motho a hlahileng ka lona, ke hore a felise mesebetsi ea Diabolose”. **(1 Johanne 3:8).** E, ho joalo; hopola hore o liehetsoe mona lefats’eng, ‘me o tletse khalefo kahobane a tseba hoba nako ea hae ea ho phela e se e-tla fela haufinyane. Khalefo ea hae, o e nts’a ka ho tliša maqakabetsi le bosula mona lefats’eng.

Mohlomong, u ntse u ipotsa hore na hobaneng Molimo o sa ka oa ripitla Diabolose hang ha sebe se fumanoa ho



## 2. LEANO LA TOPOLLO!

Molimo ha O so phethetse mosebetsi oa tlholeho eaba "...oa bona tsohle tseo o li entseng hoba li molemo haholo". (**Genese 1:31**). Hona ho bolela hore ha lefats'e lena le tsoa liatleng tsa Molimo, le ne le phethehile, le se na sepha kapa sona sekoli; ke hore, le sebe se le sieo.

### Molimo O laela Adama le Efa

Kamora ho bopa Adama le Efa, "Eaba Jehova Molimo o nka motho, a 'mea ts'imong ea Edene, ho e lema le ho e lebela. Jehova Molimo a laela motho, are: Ha e le lifate tsohle tsa ts'imo, u tla li ja; empa ha e le sa ho tseba botle le bobbe, u se ke ua se ja, hobane mohla u se jang, u tla shoa". (**Genese 2:15-17**). Hona ho bolela hore Molimo O bopile Adama le Efa e le libopuo tse ke keng tsa angoa ke lefu, ha feela ba ke ke ba ja sefate sa tsebo ea botle le bobbe. E le hore, ka ho ja sefate sena e ne etla ba ba e ntse sebe, e leng "ho tloa molao". (**1 Johanne 3:4**).

### Motho o tloa molao oa Molimo

Na ba qetelletse ba jele sefate see? "Noha e ne feta ka bohale liphoofolo tsohle tsa naha, tseo Jehova a li entseng; 'me ea re ho mosali: A efela Molimo o itse: Le se ke la ja lifate tsohle tsa ts'imo na? Mosali a re ho noha; Re ka ja litholoana tsa lifate tse ts'imong; empa ha e le litholoana tsa sefate se hara ts'imo, Molimo o itse: Le se ke la li ja, 'me le se ke la li ama, hore le tle le se ke

la shoa. Noha ea fetola mosali, ea re: ha e le ho shoa le ke ke la shoa". (**Genese 3:1-4**). Diabolose, "noha ea khale...e thetsang lefats'e kaofela" (**Ts'enolo 12:9**), ea re motho a ke ke a shoa ha a ja sefate sena. Na o na bua 'nete ha a re ba ke ke ba shoa? Che! Molimo O no totobalitse hore ba tla shoa mohla ba se jang. Joale hoa qaleha nyaka-nyaka; motho o mamela lentsoe la Molimo kapa la Diabolose?

"Mosali eitse ha a bona hobane sefate se monate ho jeoa, 'me se khahlisa mahlo, 'me se lakatseha ke ho hlalefisa, a nka litholoana tsa sona, a li ja, 'me a nea monna oa hae ea neng a na le eena, 'me le eena a ja". (**Genese 3:6**). Hang ka mora ho tloa molao oa Molimo, eaba motho o fetoha mohlanka oa Diabolose; Ana ha le tsebe hoba, ha le ipea bahlanka ba e mong ho mo utloa, le bahlanka ba eo le mo utloang". (**Ba-Roma 6:16**). 'Nete ke hore, ketso ea bona ea ho mamela le ho phetha seo Noha e neng e se bolela, e ne e bonts'a hantle hore ba lumella Diabolose ho ba molaoli le 'musi oa maphelo a bona. "...hobane seo motho a hlolang ke sona, o fetoha mofo oa sona..." (**2 Peterose 2:19**).

Bora bo tebileng ba nka sebaka ho motho khahlanong le Molimo, 'me hona ho iponahalitse ka hore Adama a ipatele Molimo ha a tlo kopana le eena mantsibua, ts'imong ea Edene. "Eaba Jehova Molimo o bitsa Adama, a re ho eena: U hokae na? Adama a re: ke utloile lentsoe la hao ts'imong, 'me ke ts'abile, kahobane ke feela, 'me ke ipatile" (**Genese 3:9-10**).

Joale ha motho a se a thehile setsoalle sa popota le sera sa Molimo, a bile a se a tobane le lefu ka ho tlola molao oa Molimo ekaba ts'epo ea hae ke e feng na?

### Tharollo ea moshoelella

Molimo oa re ho Satane, “ke tla bea hloeano mahareng a hao le mosali, le mahareng a peo ea hao le peo ea hae; peo eo e tla u khoba hloho, ‘me u tla e loma serethe” (**Genese 3:15**). Hona hee, ke tharollo e senang thaka! Hoja Molimo ha Oa ka oa beha hloeano ena lipakeng tsa Diabolose le motho, Adama le Efa (ho kenyelletsa le litloholo tsa bona) ba ka be ba sa kena morerong o le mong le Leanong la Molimo la ho lopolla motho sebeng!

Mona re bona moo Molimo O phuthullang mohau Oa Ona ka botlalo. E ne e le ha motho a qala ho phela tlasa mohau joale. Ho tloaelehile hore motho o phetse tlasa mohau oa Molimo ho tloha ha Jesu a ne a thakhisoa sefapanong. Che! Mohau oa Molimo o bonahetse hang ha sebe se ba teng, ‘me Krete o shoele lilemo tse ka bang tse likete tse ‘ne kamora hore motho a oele sebeng.

Eaba Molimo kamora ho beha hloeano, “A etsetsa Adama le mosali oa hae likobo tsa matlalo, ‘me a ba apesa tsona” (**Genese 3:21**). Likobo tsee tsa matlalo li ne li tsoa hokae? Ha ho potang hore mali a phoofolo a ile a lokela ho ts’olloa e le ho etsetsa sebe sa Adama le Efa pheko. “...’me mali ha a sa ts’ollohe, ha ho teselo ea libe” (**Ba-Heberu**

**9:22**). E, ho joalo! Hantle konyana e ileng ea hlajoa tsímong ea Edene e ne e supa konyana e neng e tla hlajoa bakeng sa libe tsohle tsa lefats’e mengoaha e neng e tla hlahlama. Ke ka hoo Johanne Mokolobetsi ha a talima Jesu a ileng a re, “Bonang, ke Konyana ea Molimo e tlosang libe tsa lefats’e” (**Johanne 1:29**).

Moratuo, ana u ne u tseba hore lebaka la matlha leo Adama le Efa ba sa kang ba shoa hang kamora ho etsa sebe ke hobane Molimo O no so ntso e ntse leano la ho lopolla motho ha a ka oela sebeng? “le ntse le tseba hobane, ha se ka tse bolang, ha se ka silefera le ka khauta le lopolotsoeng mokhoeng oa lona oa lefeela...empa e le ka mali a bohlokoa a Krete, konyana e se nang letheba le sekoli; ea neng a reroe lefats’e le e-so ho theoe” (**1 Peterose 1:18-20**). E le hore, le pele Molimo a ka etsa maholimo le lefats’e, morero le qeto ea hore Krete Jesu o tla shoela motho ha a ka etsa sebe, o ne o se o ntse o le teng. Taba ena Molimo o la hla e qeta khale hore Mopholosi o tla theoha leholimong, a tlo shoela motho. Tsela ea sefapano Molimo o e betlile le pele Adama a e-ba teng.

Ruri, lerato la Molimo ho motho le hlolla pelo ea ngoan’a motho!

Ho shoa hoa Krete Kh’alefari, e ne e le phethahatso ea morero oa topollo o bileng teng le pele lefats’e le theoa. Ma-Iseraele ha a ne a hlaba likonyana bakeng sa tefelo ea libe tsa bona, e ne e le ho bonts’a tumelo ho Mopholosi ea neng a tla ba





### 3. BOEMO BA BAFU

Ke kholisehile hore motho e mong le e mong ea phelang mona lefatséng o na le maiphihlelo a ho lahlehela ke moratuo ka lefu; ekaba ke motsoalle, molekane kapa motsoali. Joale potso e tlelang motho ke hore na, ha motho a hlokahala, ebe u ea hokae.

Ruri, litumelo li ngata mabapi le boemo ba bafu. Ba bang ba lumela hore motho ha a hlokahala, hang u ea leholimong haeba a sebelelitse Molimo bophelong ba hae, kapa lihelong haeba a sebelelitse bokhopo.

Ha ba bang bona ba lumela hore kamora lefu, e ba motho o fetoha phoofolo e tlo phela mona lefatséng. Ho teng hape ba bolelang hore motho o ea sebakeng seo a lo hloekisoa libe tsa hae ho sona, e be ke moo a tla fetela leholimong ha a se a hloekile. 'Nete ke hore litumelo tsona li ngata, empa Bibe, lentsoe la Molimo lona le re'ng?

#### Hantle lefu ke eng?

“Jehova Molimo a bopa motho ka lerole la lefatsé, ‘me a bululela linkong tsa hae phefumoloho ea ho phela, ‘me motho ea e-ba moea o phelang” (**Genese 2:17**). E le hore, bophelo bo ba teng feela ha ho bile le kopano ea phefumoloho ea ho phela le lerole la lefatsé. Ha tsena tse peli li arohana, eba lefu le se le e-ba teng.

#### Ho etsahala eng hang hore motho a shoe?

“Hobane tsépo e teng bakeng sa sefate; leha se ka rengo, se ka boela sa mela, ha se lese ho hlomela...ha se utloa metsi se tla tsoha, se hlomele, se melise makala joalo ka setlama se secha. Empa motho ha a e-shoa, o felile matla; e re ha ea shoang a neela moea, ebe o kae na?” (**Jobo 14:7, 9,10**). Jobo oa ikaraba, “Metsi a ee a fele letséng, ‘me melatsoana e ee e pshe, e omelle; motho le eena o ee a robale, ‘me ha a sa tsoha; ho fihlela leholimo le e-ba sieo, ho ke ke ha tsohuoa ke motho, a ke ke a phaphama borokong ba hae” (**Jobo 14:10-12**).

Ho toboketsa taba ena, Solomone monna ea neng a le bohlale haholo, o re “Ba utloang bona ba tseba hobane ba ea shoa, empa bafu ha ba tsebe letho leha le le leng, ‘me ba ke ke ba hlola ba nka mopotso lefatséng, hobane lebitso la bona le lebetsoe. Lerato la bona, lehleo la bona, le mohono oa bona, li se li timetse; ‘me ba ke ke ba hlola bae-ba le kabelo ho tsohle tse etsoang tlas’a letsatsi le ka mohla o le mong” (**Moekesisa 9:5-6**). Ho hlakile hore motho ha a se a hlokahetse, ha ho kamoo a utloang kapa hona ho bona tse etsahalang koano lefatséng. Ke ka hoo Solomone a boelang a re, “Tsohle tse fihlelang ke letsoho la hao hore li ka sebetsoa, u li etse ka matla a hao; hobane ngalong ea bafu moo u eang, ha ho sa le mosebetsi, leha e le morero kapa tsebo, kapa bohlale” (**Moekesisa 9:10**).

Le hoja litloaelo tsa batho ba bang ka lebaka la ho hloka leseli litabeng tsa bafu, li

bontsá hore bafu ba ea utloa, Bibe eona e hlakile haholo tabeng ena. Mehlala ea litloaello tse joalo ekaba; Ho sebela setopo pele ho nkuoa leeto, ho tlosa setopo khutsana le ho rapella mabatleng a baamani ka sepheo sa hore ba kopele ea rapelang mahlohonolo ho Molimo. E, hangata ha u se u ka hlahlobisisa, mabaka a batho ba bangata a ho ea litsébeletsong tsa lepató, ke hore “Semanyane, motsoalle oaka o tla re’ng ha a sa bona ke sa ea lefung la hae”. Davida o re “Ha se bafu ba ka rokang Jehova, leha e le ba theohelang ngalong e khutsitseng” (**Lipesalema 115:17**).

### BAFU BA HOKAE!

*Phfumoloho ea ho phela ha e tsoa e ea hokae?*

Joalo ka ha bophelo e le ha lerole (e leng nama) lekopane le phfumoloho ea ho phela; lefu ke ha lintho tsena tse peli li arohana. Nama eona re ea tseba hore ea bola, e fetohle mobu. Phfumoloho ea ho phela eona ho etsahala’ng ka eona? “U mpe u hopole ‘Mopi oa hao matsatsing a bocha ba hao, ho e-so ho tle lits’iu tsa tlokotsi, ho e-so ho fihle le lilemo tseo ka tsona u tla re: Ha ke sa khahlisoa ke tsona. Lerole le e-so ho khutlele leroleng, moo le tsoileng teng, moea o e-so ho khutlele ho Molimo o nong o o nee” (**Moekesia 12:1.7**). Lerole le khutlela leroleng hobane ke moo Molimo O le nkileng teng ha O bopa motho, e be phfumoloho ea ho phela eona e khutlela ho Eena ka hobane e ne e tsoa

ho Eena ha A tla e bolulela linkong tsa motho ts’imolohong.

Hangata ho hlaloseha eka le hoja motho a shoa joalo, empa moea oa hae ona o ea ho Molimo. Na motho o na le phfumoloho ea ho phela eo e leng ea hae; eo e reng ha a shoa e be eona e lo phela leholimong koana le ntate Molimo? Che, liphoofolo le batho bohle ba phelisoa ke phfumoloho e le ‘ngoe – ea Molimo. Moshe ha a hlalosa se etsahetseng ka moroallo oa metsi o re “Eaba nama eohle e nyekenye hang lefats’eng ea e-shoa: linonyana, le makhomo, le liphoofolo, le lihahabi tsohle tse hahabang lefats’eng, le batho kaofela. Lintho tsohle tse neng li na le phfumoloho ea ho phela linkong tsa tsona, kaofela ha tse lutseng moo ho omileng tsa e-shoa” (**Genese 7:21, 22**).

Taba ena e bonts’a hore motho le phoofolo ba phelisoa ke phfumoloho ea ho phela e ts’oanang. “Hobane kotsi e hlahelang bana ba batho, e joalo e hlahela le liphoofolo: bobeli ba bona bo hlaheloa ke kotsi e le ‘ngoe. Mokhoa oo motho a shoang ka oona, le eona phoofolo e shoa joalo; moea oa bohle o mong; ha ho kamoo motho a fetanang le phoofolo kateng, etsoe tsohle e le lefeela. Tsohle li ikela ngalong e le ‘ngoe; tsohle li tsoa leroleng, ‘me tsohle li khutlela leroleng (**Moekesia 3:19-20**).

Temana ena totobetse; ha ho na motho ea ka reng phfumoloho eaho phela e ka hare ho eena ke ea hae. Che. E ts’oana hantle le

e phelisang khomo! Hmm...’nete ea Molimo ea hlolla.

### Moqapi oa thuto ea hore motho ha a shoe ke mang?

Na u ne u tseba hore thetso ea pele e hlahang ka Bibeleng ke e amanang le ho shoa. Diabolose, noha ea khale e thetsang lefats’e lohle, o ile a re ho nkho Efa, “Ha e le ho shoa le ke le la shoa” (**Genese 3:4**). Empa Molimo Eena a ne a itse “Empa ha e le sefate sa ho tseba botle le bobele, u se ke ua se ja, hobane mohla u se jang, u tla shoa”. (**Genese 2:17**). Kannete, thuto ea hore motho ha a shoe e qalile ka Diabolose koana ts’imong ea Edene. Ke Molimo feela ea sa shoeng. “...’Musi oa babusi eena le Morena oa marena; e leng eena ea ‘nots’i ea nang leho se shoe...” (**1 Timothea 6:15-16**). Ha re tiisa hore motho ha a shoe ‘shoi’, moea oa hae o phela hape kae kae, ho ts’oana leha re se re etsa motho Molimo, hobane ke Molimo feela ea sa shoeng.

Taba ena ea ho se shoe ha motho hangata e ts’ehetsoa ka litaba tsa sesinyi se neng se na le Krete sefapanong. “Eaba se re ho Jesu: Morena, u nkhopoleha u kena ‘musong oa hao! Jesu a re ho sona: ka ‘nete ke re ho uena: U tla ba le ‘na kajeno Paradeiseng” (**Luka 23:42-43**). Kutloisiso ea batho ba bang ke hore Jesu o ile a netefalletsa sesinyi hore hona letsatsing leno ba tla ba ‘moho leholimong.

Empa, seo Krete a neng a se bolela ke hore, “kea u tiisetse kajeno hore u tla ba le ‘na Paradeising”.

Taba ena e netefatsoa ke seo Jesu a ileng a se bolella Maria ha a ne a labalabela ho ts’oara Jesu kamora hore a tsohe bafung, “Jesu a re ho eena: Maria! Eena a reteleha, a re ho eena: Rabuni! Ka seHeberu ke ho re, moruti. Jesu a re ho eena: Se nkame, hobane ha ke e-so ho nyolohela ho Ntate...” (**Johanne 20:16-17**).

Ho hlakile hore ha a shoa ha a ea leholimong! Lefu ke boroko, ‘me bafu ba tla tsoha mohlang Jesu a tlang. Ngoaneso, amohela Jesu u sa phela hobane ha u tsebe nako ea ho shoa ha hau!

.....



## 4. KAHLOLO E TENG

Boholo ba batho bo hola bo tseba ho tlo ba le nako eo motho a emang setulong sa kahlolo a arabella liketso tsohle tseo a tla be a li e ntse ha a ntse a phela. Ho ba bang, ho tlo ba le letsatsi leo ka lona Molimo o tlo ahlola lefats'e. Hopola ka selemo sa 2011, ho ile hoa manehoa "boto" e kholo ka hara teropo ea Maseru e neng e bonts'a hore ka la 21 khoeling ea Mots'eanong, ke letsatsi la kahlolo – ka hona Molimo o tlo felisa lefats'e ka mollo. Hantle, ho boleloa litaba tse ngata ka kahlolo, empa Bibe eona e reng ka taba ee? Krete o re "Letla tseba 'nete, 'me 'nete e tla le lokolla" (**Johanne 8:32**).

### Kahlolo e qala pele Krete a tla lefats'eng

Bukeng ea ho qetela ea Bibe, khaolong ea ho qetela, Krete o bua mantsoe ana "Bonang, ke phakisa ke e-tla, 'me ke ts'oere moputso oa ka, ho putsa e mong le e mong ka ho lekanang liketso tsa hae" (**Ts'enolo 22:12**). Hona ho hlakisa hore Krete o tla a sa tlo fana ka meputso, e seng ho tla lekola hore na mang o lokeloa ke moputso o feng. Mosebetsi oa ho lekola, e ka khona o etsahale pele. Ho joalo feela le bophelong ba rona. Tichere pele e fa baithuti sephetho sa lihlahlobo, ea ba ts'oea e le hore ha a fihla ka sehlopheng a be a ba fa se ba lokelang. Ho ts'oea hona hoa tichere ho ts'oants'a seo Krete a se etsang pele a tla lefats'eng.

Kaha re ithutile hore ha motho a shoa, ha a ee leholimong, empa o emela mohla tsoho ea bafu – ke joang Molimo o tlang ho ahlola batho? Ha re khutlele hape sets'oants'ong sa Tichere. Tichere e ts'oea bana e shebile maqhephe a bona, ba le sieo ka seqo. E, le leholimong ha ho hloka hore ke be teng ka nama hore ke ahloloe! Eu!

### Libuka lia phetloa

Johanne ha a le ponong, o ile a bonts'oa kahlolo; "Eaba ke bona terone e ts'oeu e kholo, le e mong ea lutseng holim'a eona...Ka nto bona bafu ba banyenyane le ba baholo ba eme pel'a terone; ha phetloa libuka; ha phetloa le buka e 'ngoe, e leng buka ea bophelo; 'me bafu ba ahloloe ka tse ngoliloeng libukeng tseo, e leng ka mesebetsi ea bona" (**Ts'enolo 20:11-12**). Ho thahasellisang ka temana ena ke hore, u ka nahana hore bafu ba na bao Johanne a ba bonang ba eme pela terone, ba hlile ba teng ka nama leholimong. Athe, ha u theoha ka temana ena, eena Johanne oa hlalosa hore

"eaba li buka lia phetloa... 'me ba ahloloe ka tse ngoliloeng libukeng". Ka mantsoe a mang, mesebetsi ea bona, e leng tse ngoliloeng libukeng li ts'oants'a bona hantle!

E, libuka li teng leholimong tseo ho tsona ho ngoloang tsohle tseo motho a li etsang le tseo a li nahanang. Ho na le buka ea bophelo eo ho eona ho ngoloang mabitso ohle a ba ipitsang ka hore ke Ba-Krete.

“Leha ho le joalo, le se ke la thaba kahobane le hlola meea, haholo le thabe kahobane mabitso a lona a ngoliloe maholimong” (**Luka 10:20**).

“Ha ho ntho e lits’ila e tla kena teng, leha e le ba etsang manyala le leshano, ho tla kena ba ngoliloeng bukeng ea bophelo ea Konyana feela” (**Ts’enolo 21:27**).

Mang kapa mang eo lebitso la hae le sa ngoloang bukeng ea bophelo, ha a lokeloe ke ‘muso oa Molimo. Ho na le buka e ngolang liketso tsohle tse ntle tseo motho a li etsang. “Oho, Molimo oa ka, u nkhopole ka baka la tseo, ‘me u se hlakole liketso tsa borapeli tseo ke li etselitseng ntlo ea Molimo oa ka...” (**Nehemia 13:14**). Hoa thabisa ho tseba hore ha u ntso nka khato u rapela kamehla, u hloela bakoli, u hloela ba litlamong, u fepa bahloki, u hlokomela likhutsana, u bala lentsoe la Molimo, u itima lijo, u hlorisoa ka lebaka la ho lumela ho Krete; litaba tsena kaofela

Molimo o ntse a li ngola fats’e leholimong.

Le libe tsohle lia ngoloa; “Bonang, libe tsa bona li ngoliloe pel’a ka...” (**Esaiia 65:6**). Sheba **Moeklesia 12:14** le **Matheu 12:36-37**. Menahano e soto, lipuo tse sa hloekang, bohloa, ho utsoa, botaoa, lerato la chelete, lits’ebo, le tse ling tse ts’oanang le tsona lia ngoloa leholimong. Empa u se nyahame ha u ipona u oetse hara e ‘ngoe ea liketso tsena. Tseba hore ts’oarelo e teng ho Molimo ka Jesu Krete. “Ha re ipolela libe tsa rona, Molimo oa ts’epeha, o

lokile, hore o re ts’oarele libe, ‘meo re hlatsoe bokhopo bohle” (**1 Johanne 1:9**).

### Ke mang ea ahlolang?

“Hobane joalo ka ha Ntate a e-na le bophelo ka ho eena, o neile le eena Mora hore a be le bophelo ka ho eena. O mo neile le matla a ho ahlola, kahobane e le eena Mor’a motho” (**Johanne 5:26-27**).

“Hobane o beile letsatsi le leng leo o tla ahlola lefats’e ka lona ka ho loka, ka monna eo o ‘meetseng hoo, ‘me o lokiselitse bohle ts’episo ea teng ka ho mo tsosa bafung” (**Liketso 17:31**).

Ke utloa ke leboha Molimo ka hore e be ha se motho ea oetseng sebeng ea ahlolang, empa ke Krete ea sa kang a etsa sebe. E, ho lokela ho be joalo hobane kahlolo ea hae ke e lokileng, e se nang leeme. Ho makatsang ke hore, Krete ke moahloli oa rona ea bileng a re utloelang bohloko. Ha a sebelise toka feela hore ahlola, ebile o sebelisa le mohau oa hae. “Ereka ha re e-na le moprista e moholo ea nang le boholo bo bokalo, e leng Jesu, Mor’a Molimo, ea phollelitseng ka maholimo, a re tiiseng kano ea rona. Hobane Moprista e moholo eo re nang le eena, ha se ea ka sitoang ho re utloela bohloko mefokolong ea rona; hobane o lekiloeng nthong tsohle joalo ka rona, empa ha a ka a etsa sebe. Ka baka leo, a re atameleng ka ts’epo terone ea mohau, hore re tle re bone mohau...” (**Ba-Heberu 4:14-16**).



## 5. BONANG O TLA KA MARU

Ho tloha mengoaheng e fetileng, ho fihlela matsatsing a kajeno, esale ho luma-luma taba ea hore ka le leng la matsatsi 'Moloki Jesu o tla tla hape lefats'eng lena. Ba bang ba batho, ts'epo ea bona tabeng ena e se bile e tapile; ha ba bang ba se ba hlile ba e nka e le mafosisa.

Athe mokhahlelo o mong o lumela hore ha motho a shoa, eba Jesu o sa tlile ho mo lata. Empa, Bibe eona e reng na? "Ha rea lokela ho nka bopaki ba motho e mong ka seo Bibe e se rutang, empa re lokela ho ithuta mantsoe a Molimo ka bo rona" (**Katamelo ho Krete 92**).

### Na Jesu oa tla hape

Matsatsi a se makae pele Krete a thakhisoa, o ile a siela Barutuo ba hae ts'episo ea hore, "Pelo tsa lona li se ferekane; lumelang ho Molimo, le ho 'na le lumele...Ke ea ho le lokisetsa bolulo. 'Me etlare ha ke se ke ile, ke le lokiselitse bolulo, ke tla boela ke boee, ke le nkele ho 'na...' (**Johanne 14:1-4**).

Krete o ne a tiisetsa barutuo ba hae hore, le hoja a tla ea leholimong a ba siee, o tla boela a khutle hape a tlo ba lata. "Eare hobane a bolele taba tseo, a nyolosa ba ntse ba mo talimile, 'me leru la mo tlosa mahlong a bona. Ba re ba sa lelaetse leholimong, ha a ntse a nyoloha, bonang, ha hlaha ho bona banna ba babeli, ba apereng liaparo tse ts'oeu, ba re: Banna ba

Galelea, le ntse le emetse'ng, le lelaetse leholimong? Jesu eo ea nketsoeng leholimong a le har'a lona, o tla be a tle ka mokhoa oo le 'moneng a e-ea leholimong ka oona" (**Liketso 1:9-11**). Ena ke tiisetso eo leholimo le re fang eona hore Jesu o tla boela a tle hape.

### Mokhoa oo Jesu a tlang ka ona

Haeba temana ena ea Liketso e bonts'a hore Krete o tla tla ka mokhoa oo a ileng leholimong ka oona, ho bolela hore e tla ba ketsahalo e bonahalang. "Hobane joalo ka ha lehalima le halima le etsoa bochabela, 'me le benyetsa bophirimela, ho tla ha Mor'a motho ho tla ba joalo...Mohlang oo, ponts'o ea Mor'a motho e tla hlaha leholimong; ke moo Lichaba tsohle tsa lefats'e li tla iteta lifuba, 'me li tla bona Mor'a motho a e-tla ka maru a leholimo, ka matla a maholo le ka khanya e kholo" (**Johanne 24:27, 30**). E re re toboketse taba ena ka temana ena, "Hobane Morena ka sebele o tla theoha leholimong ka mohoo, ka lentsoe la arekangeloi, le ka terompeta ea Molimo..." (**1 BaThesalonika 4:16**).

### Ho tla ha Krete e tlo ba ketsahalo;

- E bonahalang
- E utloahalang
- E amang lefats'e kaofela

Ha a ne a tla lefats'eng lekhetlo la pele, e ne e le ngoana, 'me batho ba ne ba ntse ba tsoela pele ka mesebetsi ea bona, ba sa lemohe hore Mopholosi o se a le teng.





## 6. LILEMONG TSE SEKETE

*Lilemo tse sekete li tlo qala hang kamorao hore Kreste a khutlele leholimong le Bahalaleli*

### 1. Satane o tlo sala a etsang lefats'eng moo ka lilemo tse sekete?

"La ts'oara drakone, noha ea khale, e leng Diabolose le Satane, 'me la e holehela lilemo tse sekete. La e akhela sekoting, la e koalla teng, 'me la tiisa holim'a sona, hore e se ke ea HLOLA E KHELOSA LICHABA, LILEMO TSE SEKETE LI E-SO HO PHETHEHE. Ka mora' tseo, e ka khona e lokolleloe motsotso o se mokae." **Ts'enolo 20:2, 3**

Satane ho bonts'oa a tla ts'oaroa, 'me a ke ke a hlola a ba le monyetla oa ho khelosa lichaba.

### 2. Hantle ho boleloang ha ho thoe a ke ke a hlola a khelosa lichaba?

"Tsatsing leo, ba hlabiloeng ke Jehova[Yahuwah] ba tla ba teng ho nka pheletsong e 'ngoe ea lefats'e ho isa pheletsong e 'ngoe ea lefats'e, ba sa lleloe, ba sa phutheloe, ba sa epeloe; e tla ba moiteli holim'a lefats'e." **Jeremia 25:33**

Ho ke ke hoa ba le lichaba tseo a li khelosang hobane re ithutile hore baetsalibe baneng ba ntse ba phela nakong eo Messiah a khutlang ba tlo timetsoa ke khanya ea hae, 'me ke kahoo Jeremia a bonts'ang holima lefats'e ho tla sala litopo

feela tsa batho, ho se ea li epelang leha ele ho li llela HOBANE HO TLABE HO SENA MOTHO EA SETSENG A PHELA LEFATS'ENG KAHA BAHALALELI LE BONA BA TLA BE BA NKETSOE LEHOLIMONG.

### 3. Qetello ea litopo tsee ebe e tlo ba efeng?

"Ka bona le lengeloi le leng le eme letsatsing, le hooa ka lentsoe le phahamileng, le hooeletsa linonyana tsohle tse fofang sebakeng sa leholimo, le re: Tloong, le phuthehele mokete o moholo oa Molimo, LE TLE LE JE LINAMA TSA MARENA, LE LINAMA TSA BALAOLI BA LIKETE, LE LINAMA TSA LINATLA, LE LINAMA TSA LIPERE, LE TSA BA LI KALETSENG, LE LINAMA TSA BOHLE BA SA RUOANG LE BA RUILOENG, TSA BA BANYENYANE LE TSA BA BAHOLO." **Ts'enolo 19:17, 18**

Litopo tsohle li tlo jeoa ke linonyana tsa leholimo, 'me hoa hlaka hore lefats'e le tlo sala le le feela.

### 3. Na Bibe e bonts'a lefats'e le tla fela le sale le le feela ha litopo tsohle li se li jeoe ke linonyana?

"Ke talima lefats'e, 'me bonang le SENTSOE, LE FEELA, LE 'ONA MAHOLIMO, 'ME A HLOKA LESELI LA 'ONA. Ke talima lithaba, 'me bonang, lia thothomela, marallana kaofela a tlakaseka. Kea talima, 'me bonang, HA HO SA LE MOTHO TENG, LINONYANA KAOFELA

TSA LEHOLIMO LI BALEHILE. Kea talima, 'me bonang, Karmele o FETOHILE NAHATHOTHE, METSE EOHLE EA TENG E HELELITSOE PONTSE'ENG EA JEHOVA [YHWH] KE BOHALE BO CHESANG BA HAE." **Jeremia 4:23-26**

*Re ka akaretsa taba tsena ka tsela ena:*

Satane a ke ke a hlola aba le monyetla oa ho khelosa lichaba ka lilemo tse sekete hobane batho bohle ba babe ba tla be ba shoele, 'me litopo tsa bona li tlo jeoa ke linonyana tsa leholimo ho fihlela li fela, ebe lefats'e le lona le sala ele nahathothe. **Bala Esaia 24:1-3.** Ke kahoo Bibehe e sebelisitseng mantsoe a kang ho "ts'oaroa" ho bonts'a feela hore kaha lichaba li tla be li le sieo tseo Satane a ka li khelosang taba eo ho eena etlahe ele teronko.

Ka mantsoe a bobebe Satane o tlo qeta lilemo tse sekete a ntse a shebile hore na litlamorao tsa sebe li mahlonoko ho le hokae.

## **6. Bahalaleli bona ba tla be ba ntse ba etsang leholimong ka lilemo tse sekete?**

"Eaba ke bona literone, 'me ba bang ba lula holim'a tsona, ba filoe MATLA A HO AHLOLA; ka bona le meea ea ba khaotsoeng lihlooho ka baka la bopaki ba Jesu[Yahshua] le ka baka la lentsoe la Molimo[Elohim], le ba sa kang ba khumamela sebata, leha e le sets'oants'o sa sona, ba sa kang ba amohela lets'oao la sona liphatleng tsa bona le matsohong a bona; ba boela ba phela, 'ME BA BUSA LE

KRETE [MESSIAH] LILEMO TSE SEKETE. Ho lehlohonolo, ho halaletse ba nang le kabelong tsohong ea pele; hobane lefu la bobeli ha le na matla holim'a ba joalo, EMPA E TLA BA BAPRISTA BA MOLIMO [ELOHIM] LE BA KRETE [MESSIAH], 'ME BA TLA BUSA LE EENA LILEMO TSE SEKETE." **Ts'enolo 20:4, 6**

## **7. Hoa hlaka hore bahalaleli ba tlo fumana monyetla oa ho phetla libuka, 'me ba tsamaisa litaba tsa kahlolo.**

"Na ha le tsebe hoba bahalaleli ba TLA AHLOLA LEFATS'E?...Ana ha le tsebe hoba RE TLA AHLOLA MANGELOI NA?" **1 Bakorinthe 6:2, 3**

Bahalaleli ba tlo fumana hore na Satane o ile a thetsa mangeloi a Molimo joang le libe tsohle tse e ntseng hore batho ba bang haholo-holo bao reneng re tseba ele bakreste ebe ba hlotsoe ho kena leholimong.

Ka mantsoe amang libe tse etselitsong lekunutung, 'me batho ba li etsang ba hlahella mahlong a batho eka ba lokile EMPA HO SE JOALO, nakong eno ea lilemo tse sekete bahalaleli ba tlo bona ha li beoa poaneng.

"Ka baka leo, le se ke la ahlola letho E E-SO HO BE NAKO, LE MPE LE LABELLE MORENA A BE A FIHLE, EA TLANG HO HLAHISETSA LESELING TSE PATILOENG TSA LEFIFI, LE HO SENOLA MERERO EA LIPELO; 'ME KE MOO MOLIMO[ELOHIM] O TLA NEA MOTHO

KA MONG POKO E MO LOKETSENG." 1  
Bakorinthe 4:5

**8. Ke moo bahalaleli ha ba se ba bone makhopo le libe tsa batho ba sa atlehang ho finyella leholimong ba tla re:**

"...Efela, Morena, Molimo [Elohim] o matla 'ohle, LIKAHLOLO TSA HAO KE TSA 'NETE LE TSA HO LOKA." Ts'enolo 16:7

**TSE TLA ETSAHALA PHELETSONG EA LILEMO TSE SEKETE**

**9. Messiah o tlo theoha le bahalaleli a hate ka maoto a hae thabeng ea Mehloaare kamora lilemo tse sekete.**

"Maoto a hae a tla ema, ka tsatsi leo, HOLIM'A THABA EA MEHLOAARE E PEL'A JERUSALEMA KA 'NG'A BOCHABELA; 'ME THABA EA MEHLOAARE E TLA PETSOHA...'Me Jehova [Yahuwah], Molimo [Elohim] oa ka, O TLA TLA, A E-NA LE BAHALALELI KAOFELA!" Zakaria 14:4, 5

**10. Ke moo a tlo tsosa Baetsalibe**

"Ha e le batho ba bang ha ba ka ba TSOHA, LILEMO TSE SEKETE TSEO LI E-SO HO PHETHEHE." Ts'enolo 20:5

"Se makaleng ke hoo; hobane nako ea tla, eo bohle ba MABITLENG BA TLA UTLOA LENTSOE LA HAE...'ME BA ENTSENG HAMPE BA TSOHELE TSUO." Johanne 5:29

**Ntlha tsa bohlokoa**

- Tsoho ea bobeli etlo etsahala kamora lilemo tse sekete.

- Tsoho ea bobeli ke ea baetsalibe BOHLE eleng bao esaleng ba ithoabaletse, le ba ileng ba timetsoa ke khanya ea ponahalo ea Messiah, 'me eaba litopo tsa bona li jeoa ke linonyana tsa leholimo.

- Ba bang le kabelo tsohong ena ke batlo timela ka ho sa feleng, 'me ho bolela hore ba tsohela ho tla timetsoa ka mollo oa lihele.

"...kabelo ea bona e ka lets'eng le tukileng HAMPE LA MOLLO LE SEBABOLE: HONA KE LEFU LA BOBELI." Ts'enolo 21:8

**11. Joale haele moo baetsalibe ba tla tsosoa bohle mabitleng a bona, Satane o tlo etsang hobane eena ha esale a setse a phela lefats'eng ka lilemo tse sekete?**

"Lilemo tse sekete ha li FETILE, SATANE O TLA LOKOLLOA TERONKONG EA HAE;" Ts'enolo 21:7

**HOPOLA:** HO THOE O LOKOLLOA TERONKONG HOBANE RE BONTS'ITSE HORE LILEMONG TSENA TSE SEKETE SATANE ONE A SENA MATLA A HO KHELOSA LICHABA HOBANE BAETSALIBE BOHLE BANE BA ROBOTSE.

**12. Tempele ea Molimo e tlo theohela lefats'eng**

"Eaba ke bona motse o halalalang, JERUSALEMA E MOCHA, O THEOHA LEHOLIMONG HO MOLIMO[ELOHIM], O

ITOKISITSE JOALO KA MONYALUOA EA ITLHOPHISELITSENG MONNA OA HAE. Ka utloa lentsoe le phahameng le e-tsoa teroneng, le re: BONANG TABERNAKELE EA MOLIMO E HAR'A BATHO; o tla AHA LE BONA; e tla ba lichaba tsa oona, 'me Molimo o tla ba le BONA KA SEBELE SA OONA, E BE MOLIMO OA BONA." **Ts'enolo 21:2, 3**

### TLHOKOMELISO

Bahalaleli ha ba tlo theohela lefats'eng ba kene kahara Tabernakele! Joalo kaha re se re balile ho Zakaria, Messiah o tlo theoha le bahalaleli bohle, 'me a hate holima thaba ea Mehloare ho e batalatsa. Joale sebaka seo se batalalitsoeng ke sona seo Tabernakele e tlo lula ho sona.

**13. Ha Tempele ese ele lefats'eng ke moo Krete le bahalaleli ba tla kena ka liheke tsa Jerusaleme e mocha**

"Ho lehlohonolo ba hlatsoang liaparo tsa bona, ba tle ba lokele ho ja sefate sa bophelo, 'me ba kene motseng ka menyako ea oona." **Ts'enolo 22:14**

**14. Hang ha ba kene monyako o tlo koaloa, 'me baetsalibe ba tlo sala kantle**

"**Empa kantle ho tla sala lintja**, le baloi, le bafebi, le babolai, le ba rapelang melimo ea bohata, le bohle ba ratang leshano, le ba le etsang." **Ts'enolo 22:15**

**15. Satane ka thetso le mano a hae o tlo laela baetsalibe ho hlasela motse o halalelang**

"me (Satane) o tla tsoa ho ea khelosa lichaba tse likhutlong tse 'ne tsa lefatše, Gogo le Magogo, a ba bokellele ho loana; palo ea bona e ka ka lehlabathe la leoatle. Ka ba bona ba tla ka bophara ba lefatše, 'me ba lika lihahelo tsa bahalaleli le motse o ratoang...." **Ts'enolo 20:8, 9**

**16. Krete o tla hloella holima terone ea hae ho bonts'a baetsalibe libe tse ba sitisitseng ho kena Jerusalema e mocha**

'Eaba ke bona terone e tšoeu e kholo, le E MONG EA LUTSENG HOLIM'A EONA; eaba lefatše le leholimo li baleha pel'a sefahleho sa hae, 'me ha lia ka tsa hlola li fumaneloa sebaka. Ka ntoo bona bafu ba banyenyane le ba baholo ba eme pel'a terone; ha phetloa libuka; ha phetloa le buka e 'ngoe, e leng buka ea bophelo; 'me bafu ba ahloloa ka tse ngoliloeng libukeng tseo, e leng ka mesebetsi ea bona. Leoatle la busetsa bafu ba ho lona, lefu le lebitla tsa ntša bafu ba ho tsona; E MONG LE E MONG A NTOO AHLLOA KA MESEBETSI EA HAE." **Ts'enolo 20:11-13**

**17. Mohlang oo ke moo ba bang ba tlare ho Messiah kahlolong**

"Tsatsing leo, **ba bangata ba tla re ho 'na**: Morena, Morena, na ha rea ka ra porofeta ka lebitso la hao .na? Na ha rea ka ra leleka batemona ka lebitso la hao na? Na ha rea ka ra etsa mehlolo e mengata ka lebitso la hao na? Mohlang oo, ke tla ba bolella pepeneneng, ke re: Ha kea ka ka le tseba

le mehla; ntloheleng, lona ba sebetsang bokhopo.” **Mattheu 7:22, 23**

*Tsatsi le mahlonoko ruri! Qetellong baetsalibe bohle esita le Satane le Mangeloi a hae ba tlo elelloa botebo ba sebe le litlamora tsa sona, 'me ba tla bona ho loka hoa Molimo kahlong*

“Ea sa tl’o u tšaba ke ha e le mang, Morena? Ea sa tl’o tlotlisa lebitso la hao ke mang? Hobane ea halalelang ke uena u ’notši. ’Me **LICHABA TSOHLE LI TLA TLA**, li khumame maotong a hao, kahobane likahlolo tsa hao li beiloe pepeneneng” **Ts’enolo 15:4**

**Ke moo ho tla phethala temana ena ka botlalo**

“...mangole ’ohle a ba maholimong, le lefatšeng, le ka tlase ho lefatše, a khumame; ’ME MALEME ’OHLE A BOLELE HORE JESU KRESTE KE MORENA, E BE TLOTLISO EA MOLIMO NTATE” **Bafilipi 2:10**

*Leha ho le joalo monyetla o ke ke oa hlola o ba teng oa pako. Ke moo joale Morena a tla theola mollo leholimong ho timetsa baetsalibe le Satane hammoho le mangeloi a hae.*



**MAIKUTLO A ‘MALI**

Multiple horizontal lines for writing.

*Bakeng sa lipotso ke kopa re sebelise mecha e fanoeng qetellong ea maqephe.*

*Morena A u hlohonolofatse haholo!!!*

## 7. MOLLO OA LIHELE

Maikutlo a mangata haholo sehloohong sena sa thuto ea mollo oa lihele:

- Ba'ng ba re Molimo o lerato hoo a kekeng a bopa motho eaba hamorao oa mo chesa
- Ba'ng ba re Molimo o tlo chesa baetsalibe kamehla e senang bofelo kahara malakabe a ts'abehang a mollo o sa timing.
- Ba'ng ba re Satane o ts'oere fereko o sa ntsa fuluoa batho kahara lets'a la mollo oa lihele
- Ba'ng ba re litsietsi le mahlomola a lefats'e lena ke tsona lihele, 'me re sentse re tuka re sa phela hona lefats'eng mona. Ka mantsoe amang ha re sa lokela ho lebella tse ling lihele.
- Le maikutlo a mang a mangata.

### HANTLE BIBELE EONA ERENG KA MOLLO OA LIHELE?

Baratua ke le memela boithutong bo hlolang bo its'etlehleng holima mantsoe a ts'epehang a Mohalaleli oa Iseraele, ke bua ka letlotlo la 'nete, buka ea libuka e molomo o mofubelu Bible ka sebele!

Ha hole joalo, kahare ho tokomane ena re tlo fatisisa sehlooho sena sa Mollo oa Lihele

ka botebo joalo ka ha Bible ere, "Batlang bukeng ea Jehova [YHWH], le bale!" **Esaia 34:16** hobane "Ho lehlohonolo ea balang..." **Ts'enolo 1:3.**

#### 1. Hantle lihele li etselitsoe mang?

"Joale, o tla re ho ba ka letsohong la hae le letšehali: Tlohang ho 'na, lōna ba rohakiloeng, LE EE MOLLONG O sa feleng, O LOKISELITSOENG DIABOLOSE LE MANGELOI A HAE." **Mattheu 25:41**

Banabeso hare hlokomeleng hore ha ele hantle mollo oa lihele o etselitsoe satane le mangeloi a hae empa ka bomalimabe rona re le batho re ikhethela ho lahla Molimo.

Ke moo joale qetellong batho ba liketso tse latelang le bona ba kenellang mollong o neng o lokela ho chesa Diabolose le mangeloi a hae fela.

"Empa ha e le ba boi, le ba sa lumelang, le ba manyala, le babolai, le bafebi, le baboi, le ba rapelang melimo, le mahata kaofela, KABELO EA BONA E KA LETS'ENG LE TUKILENG HAMPE LA MOLLO LE SEBABOLE: HO KE LEFU LA BOBELI." **Ts'enolo 21:8**

"me a ba lahlela seboping sa MOLLO, moo lillo li tla ba teng le litsikitlano tsa meno." **Mattheu 13:42**

#### 2. Ke lintho lifeng hape tse tla felisoa?

"LEFU LE LEBITLA TSA AKHELOA LETS'ENG LA MOLLO; ke lona lefu la bobeli. 'Me e mong le e mong ea sa kang a

fumanoa a ngoliloe bukeng ea bophelo, a akhelo a lets'eng la mollo." **Ts'enolo 20:14, 15**

"...LEFU LE METSITSOE KE HLOLO. Na lefu, tsenene ea hao e kae na? Uena lebitla, ho hlola ha hao ho kae na? Tsenene ea lefu ke sebe..." **1 Bakorinthe 15:54-56**

Baratua sebe se re tliselitse maima le mathata a mefuta-futa, 'me hoa bonahala hore qetellong Molimo oa rona ea lerato o tlo timetsa sohle se amanang le sebe le litlamorao tsa sona.

### 3. Na joale re ka re lihele li se ntse li tuka?

"Ha ele maholimo a joale le lefats'e la joale, li BOLOKETSOE MOLLO ke lentsoe lona leo, li BOLOKETSOE LETSATSI LA KAHLOLO, LE LA TS'ENYEHO EA BATHO BA NYEFOLANG." **2 Petrose 3:7**

"ke moo ho bonahalang hobane Morena o tseba ho loela barapeli molekong, le ho BOLOKELA BAKHOPO HLOKOFATSO EA LETSATSI LA KAHLOLO." **2 Petrose 2:9**

Karabo ea potso e kaholimo ke **CHE** ha hona lihele tse sentse li tuka, 'me le a le mong fela motho ha eo ea se ntse a cha kahara mollo oa lihele hare bua le uena hona joale!

NTLHA TSA BOHLOKOA

- Mollo oa lihele o teng ho latela Bibe

- Lihele li etselitsoe Satane le balateli ba hae

- Sebe le lefu ke ntho tse tlo felisoa nakong eo lefats'e lohle le timetsoang ka mollo

- Ha hona lihele tse tukang ho na joale EMPA lihele li tla tuka kamora lilemo tse sekete kamorao hore kahlole ea ho qetela ea lefats'e e lule.

### 4. Na mollo oa lihele o tla chesa baetsalibe bohle hore ba hle ba fele?

"Ba bolotsana BA EA FELA, bao e leng lira ho Jehova [Yahuwah] ba tla timela joaloka makhulo a matle, ba timele joalo ka mosi." **Pesaleme ea 37:20**

"empa ba bolotsana ba timela, 'me litloholo tsa ba babe LIA FELISOA." **Pesaleme ea 37:38**

### 5. Ho re tle re re ntho e chele ho lekana e lokela hoba boemong bo feng?

"Hobane bonang, letsatsi lea tla, le chesang joalo ka mollo oa sebopi, 'me baikhohomosi kaofela le bohle ba etsang bolotsana ba tla ba joalo ka matlalala...le tla ba chesa...ho se hlole ho SALA HO BONA MOTSO KAPA LEKALA. Letla hatakela ba bolotsana, hobane ba tla ba joalo ka MOLORA ka tlas'a bohata ba maoto a lona..." **Malakia 4:1, 3**

#### *Hlokomela*

- Motso ke Satane

- Makala ke Baetsalibe



## 6. Na ehlile le Satane o tlo fetoha molora ha ele moo ho itsoe le motso o tla cha?

"...ke hona ke nts'itseng ho uena [Satane] mollo o tla u chesa, 'me ke tla u etsa THOTOBOLO EA MOLORA LEFATS'ENG..." **Ezekiele 28:18**

## 7. Na Satane o sa tla ba teng ha ele moo a tla chesoa ho fihlela a fetoha molora?

"...'me ha U SA TLA BA TENG LE KA MOHLA O LE MONG." **Ezekiele 28:18**

## 8. Na baetsaliba ba ilo cha ka nako e lekanang kapa e mong le e mong o tla cha ho fihlela eba molora ho latela bongata ba libe tsa hae?

"...e mong le e mong a ntoo ahloloe KA MESEBETSI EA HAE." **Ts'enolo 20:13**

**Bala Ts'en.22:12; Pesaleme ea 11:31; Esaia 34:8**

Lerato la Molimo re le bona le kahara mollo oa lihele hobane o tlo timetsa motho e mong le e mong ho latela libe tseo a li entseng.

Ka mantsoe a mang, ho na le batho bat lo cha ka ho panya ha nts'i fela haba getoa ho akhelo a kahara lets'a la mollo empa ho boela ho tlo ba le batho ba tlo nka nako e telele ba ntse ba cha, 'me satane ke eena oa ho qetela ea tlo nka nako e telele kahara sebopi sena! Lebaka ke hobane ke eena mohloli oa sebe, 'me ke eena ea jarileng makhopo 'ohle a mefuta-futa.

"ea etsang sebe ke oa Diabolose; hobane Diabolose o etsa sebe e sa le ho qaleng." **1 Johanne 3:8**

"Lōna, le tsoa ho ntat'a lōna, e leng Diabolose, 'me le rata ho phetha litakatso tsa ntat'a lōna. Eena ke 'molai ha e sa le ho qaleng; ha a lule 'neteng, hobane ha ho 'nete ho eena. Ha a bolela leshano, o ipuella tsa hae; hobane ke eena ea leshano, le ntate oa ea leshano." **Johanne 8:44**

Ho bonahala hona le litemana tse buoang ka mollo o kekeng oa tima, 'me ho tla ba bohlokoa ho sheba moelelo oa tsona pele re ka koala thuto ena.

*Ha re akaretsa lintlha tse fitileng: hore re tle re re sebe se felile hammoho le batho ba se jereng ke hore ho tle ho che LORE! Ke nakong ena retla lumela hore ho felile ka sebe, 'me ponts'o ea ho cha etlaba molora joalo kaha mangolo ase a hlalositse. Hoa hlaka hore mollo oa lihele o tlo tima.*

## 9. Bibe le hantle ereng ha e buoa ka "Mollo O Sa Feleng Oa Lihele" empa mangolong ere qetang hoa bala ho thoe ho tla cha ho fihlela ho sala molora feela?

**Temana ea sehlooho:** "...Tlohang ho 'na, lona ba rohakileng; le ee MOLLONG O SA FELENG, o lokiselitsoeng Diabolose le mangeloi a hae, 'me bona bao ba tla bohlokong BO SA FELENG, empa ba lokileng ba tla ea bophelong bo sa feleng." **Mattheu 25:41, 46**

a. Ha re qale pele re bone na motho hore atle a phele ka ho sa feleng o lokela ho feta methati e feng:

- O lokela ho lumela ho Messiah. Bala **Johanne 3:16**

- O lokela ho apesoa, 'mele o sa boleng nakong eo Messiah a tlang lekhetlo la bobeli. Bala **1 Bakorinthe 15:51-54**

- O lokela ho ja sefate sa bophelo se fumanehang kahara Jerusalema e mocha. Bala **Ts'enolo 22:1, 2, 14**

Temana tsena li totobetse hore bophelo bo sa feleng bo tlo abeloa bahalaleli feela eleng baetsalibe ba ileng ba ineela ho Molimo ka tumelo, 'me ba apesoa ho loka hoa Krete!

“Ke tla ithabela ho Jehova, moea oa ka o nyakalle ho Molimo oa ka, hobane o nkapesitse ka liaparo tsa poloko, o nkoahetse ka kobo ea ho loka, joalo ka monyali ea khabisitsoeng ka moqhaka, le joalo ka monyaluoa ea itlhophisang ka mekhabo ea hae.” **Esaia 61:10**; Bala **Ts'enolo 19:8**

b. Hare shebe na motho hore atle a timele ka ho sa feleng ke ka tlasa mabaka a feng:

- Ha sa lumela ho Messiah. Bala **Johanne 3:16**

- Ha sena kabelo tsohong ea pele. Bala **Johanne 5:28, 29**

- Ho ba le kabelo tsohong ea bobeli e etsahalang kamora lilemo tse sekete. Bala **Ts'enolo 20:5; 21:8**

- Ha sa fumana monyetla oa ho ja sefate sa bophelo. Bala **Ts'enolo 20:7, 8**

c. Qetello ea Baetsalibe le Satane ho thoe e tla ba efeng?

- Ba tlo timetsoa 'me ba hle ba fele. Bala **Pesaleme ea 37:20, 38**

- Ba tlo chesoa ba be ba fetohle MOLORA e le lets'oao la hore ho felile ka bona. Bala **Ezekiele 28:18, 19; Malakia 4:1-3**

d. HARE IKETSISE RERE MOHLOMONG BAETSALIBE BA ILO PHELA KA HO SA FELENG KAHARA MOLLO OA LIHELE:

- Etlaba ba sebe ha hona mohlang se tla fela lefats'eng hobane baetsalibe le Satane ba tla be ba ntse ba phela kahara mollo oa lihele.

- Etlaba baetsalibe le bona ba fumane bophelo bo sa feleng, phapang ese empa ele hore ba tla be ba phela kahara malakabe a mollo eseng kahara Jerusalema e mocha joalo ka bahalaleli.

- Etlaba ha hona mohlang Satane a tla tlosoa lefats'eng.

- Ha hona mohlang ho tla boptjoa maholimo a macha le lefats'e le lecha hobane ho tla bo ntso tuka ka ho sa feleng lefats'ng

- Semelo sa Molimo sa lerato se tla thothofala, 'me le bahalaleli ba ke ke ba fumana thabo le khotso ea 'nete e le hobane ba ntse ba phela haufi le batho ba ntseng ba cha ba bokolla bosiu le mots'eare kahara sebopi sa mollo o sa timing.

Kannete hoa hlaka hore re lokela ho utloisisa se boleloang ke Mangolo ha a buoa ka "MOLLO O SA FELENG"

**Juda 7** ke eona etla rarolla qaka ena:

"Ho bile joalo le Sotoma le Gomora, le metse e ka mathoko a teng, e neng e ineetse bootsoa bo le bong, ka ho khelohela ho batla nama esele; metse eo eohle e beiloe hore e be temoso, HA E NTSE E LE KOTLONG EA MOLLO O SA FELENG."

### POTSO???

Na Sodoma le Gomora li ntse li tuka le ho na joale ha ele moo ho thoe "...e ntse e le kotlong ea MOLLO O SA FELENG."

KARABO KE **CHE** hobane Petrose o itse:

"me ha o ahlotse metse ea Sodoma le Gomora ka ho e ripitla, LE KA HO E FETOLA MOLORA, hore e be temoso ho ba tlang ho ba banyefoli" **2 Petrose 2:6**

Ka mantsoe a mang ha ho buoa ka "mollo o sa feleng" ha ho boleloe hore batho ba tla phela kahara mollo ebe ba ntse ba cha feela ba sa timele. Che! empa ele ho bonts'a hore KOTLO EA BAETSALIBE ETLABA HO TIMELA KA HO SA FELENG.

Ka mantsoe amang ba ke ke ba hlola ba ba le monyetla oa ho phela ka tsela efe kapa efe. Ke ts'epa hore ka mohau oa Morena taba ena ea ho cha ka ho sa feleng e hlakile.

**Esaia 9:5** Hobane seeta se seng le se seng see motho a tlang ntoeng a se roetse, le kobo e 'ngoe le e 'ngoe e sulubaneng maling, LI TLA AKHELOA MOLLONG, LI CHESOE KE MALAKABE A OONA.

**Pesaleme 11:6** O NESETSA BAKHOPO MASHALA LE MOLLO LE SEBABOLE; moea o chesang ke sona senelo seo ba se abetsoeng.

**Baheberu 10:26, 27** Hobane ekare ha re etsa sebe ka boomo, ha re se re filoe tsebo ea 'nete, ha ho sa le sehlabelo se seng sa libe; E SE E MPA E LE TEBELLO E TŠABEHANG EA KAHLOLO, LE BOHALE BA MOLLO O TLANG HO JA BAHANYETSI.

**Baheberu 10:31** KE NTHO E TŠABEHANG ho oela matsohong a Molimo o phelang.

**Baheberu 12:29** hobane Molimo oa rōna KE MOLLO O TIMELETSANG.

Ha re qetella thuto ena ke rata ho bonts'a hle banabeso hore Molimo oa rona ha se Molimo o thabelang ho bolaea kapa hona ho timetsa. "Jehova, Molimo O MOHAU, O LEREKO, O LIEHANG HO HALEFA, O TLETSENG MOHAU LE 'NETE, O HAUHELANG meloko e likete, o tšoarelang

motho bokhopo le boikbantšo le sebe, o sa latoleng molato oa motho ea nang le oona, o otlang bana le litloholo ho isa lelokong la boraro le ho la bone ka baka la bokhopo ba bo-ntat'a bona” **Esaia 34:6, 7.**

“Molimo ke ofe o joalo ka uena, o tlosang bokhopo, o ts'oarelang libe tsa masala a lefa la hao? O k eke oa boloka bohale ba oona ka ho sa eeng kae, hobane ha e le oona, O KHAHLOA KE HO HAUHELA. O tla boela o re rekolohele; o tla hatakela makhopo a rona, o AKHELE LIBE TSA RONA KAOFELA BOLIBENG BA LEOATLE.” **Mikea 7:18, 19**

“Hobane ke tla ba rekolohela makhopong a bona, ‘ME NKE KE KA HLOLA KE SA HOPOLA LIBE TSA BONA LE LITLOLO TSA BONA.” **Baheberu 8:12**

Molimo o khahloa ke ho bona bohle re bolokehile, “...hobane ha a rate ha ba bang ba ka timela, empa o rata hore BOHLE BA FINYELLE PAKONG.” **2 Petrose 3:9** ke kahoo a faneng ka Mor'a hae “...hore e mong le e mong ea lumelang ho eena, A SE KE A TIMELA, a mpe a be le bophelo bo sa feleng” **Johanne 3:16**

Empa ka bomalimabe ke rona ba ikhethelang ho shoa ka ho latola Mali a bohlokoa a Jesu Krete! ‘Me joale Molimo qetellong o lakatsa ho felisa Sera se seholo, noha ea khale eleng Satane esita le sebe le sohle se amanang le sebe ke moo bohle batla fumanoa ba its'oarelletse ka

Diabolose batla lokela ho ripitleloa le ho felisoa.

**‘Na ke labalabela ho kena Paradeiseng, lehaeng la khotso le phomolo. Uena u etsa qeto efe?**

“Kajeno, ke bitsa leholimo le lefatše hore e be lipaki ho lōna. KE BEILE PEL’A HAO BOPHELO LE LEFU, LEHLOHONOLO LE THOHAKO. **Ikhethele bophelo**, u tle u phele, uena, le litloholo tsa hao; u tle u rate Jehova, Molimo oa hao, u utloe lentsoe la hae, ‘me u mo khomarele; hobane ke eena bophelo ba hao, le bolelele ba matsatsi a hao, u tle u ahe lefatšeng leo Jehova a anetseng bo-ntat’ao, Abrahamama, Isaaka le Jakobo, hore o tla ba nea lona.”

**Deuteronoma 30:19, 20**

.....



## 8. KE LABALABELA HO KENA PARADEISING

*Haeba e teng ntho eo e sale e labalabeloa ke bahlanka ba Molimo ho tloha nalaneng ea lefat'se ke lehae le lecha, lehae la monyaka le phomolo. Re ka buoa ka bo-mopatriareka Abrahamana, "o na a lebeletse motse o nang le motheo, oo Molimo e leng mohahi le mothei oa oona" **Baheberu 11:10**, Moapostola Paulose eena o re, "Efela rea tseba hoba mohla ntlo ena ea rōna ea lefatše, e kang motlotloane, e senyehang, re na le leaho maholimong le tsoang ho Molimo, e leng ntlo e sa kang ea etsoa ka matsoho, e sa feleng" **2 Bakorinthe 5:1***

*Baratuoana Moreneng "mona, ha re na motse o tieang, empa re batla o tlang ho hlaha" **Baheberu 13:14**. Re khathetse ke ho phela ka lillo le meokho, re khathetse ke ho phela ka botubo, re khathetse ke ho phela ka mahlaba le mahloko a bophelo! Re labalabela ho kena motseng oa khauta feela e hloekileng, e kang seipone se hloekileng. (bala **Ts'enolo 21:18**)*

*Kajeno re tlo ithuta ka sehlooho se hlasimolosang maikutlong haholo – Paradeising!*

"...Ea HLOLANG, ke tla mo fa ho ja sefate sa ho phela, se ka har'a PARADEISE EA MOLIMO [ELOHIM]." **Ts'enolo 2:7**

Pele re ka kena litabeng tsa rona ke kopa ho etsa khopotso e khuts'oanyane ea Thuto

e fitileng e neng e buoa ka "mollo oa lihele". Re bone hore:

- Satane le mangeloi a hae le baetsalibe bohle ba tlo chesoa ho fihlela ba fetoha molora.
- Lefats'e la rona le tamukantsoeng ke sebe le tsohle tse hahlamitsoeng ke sebe li tlo felisoa ka ho sa feleng ka mollo oa lihele.
- Satane a ke ke a hlola ae ba teng ka ho sa feleng.
- Mollo oa lihele o tlo tima kamorao hore sohle se chesoe

---

Ke kopa pele re ka kenang sehloohong sena ka botebo re ke re khutlele morao qalehong ea popo ea lintho.

### HANA SEPHEO SA MOLIMO SA HO BOPA LEFATS'E ENE ELE SE FENG?

**Esaia 45:18** Hobane Jehova, 'mōpi oa maholimo, Molimo o bōpileng lefatše, moetsi oa lona ea le tiisitseng, ea sa ka a le bōpela lefeela, **ea mpang a le bōpetse hore le ahuae**, o bolela, o re: Ke 'na Jehova, e mong ha a eo.

### KE MANG EA NENG A LOKELA HO HAHA KAPA HONA HO HLOKOMELA LEFATS'E?

**Genese 1:26** Molimo oa ntoo re: A re etseng motho ka setšoantšo sa rōna le ka ho tšoana ha rōna **'me a BUSE lihlapi tsa leoatle, le tse rurang tsa maholimo, le**

**makhomo, le lefatše lohle, le lihahabi tsohle tse hahabang lefatšeng.**

**Genese 2:15-17** Eaba Jehova Molimo o nka motho, a 'mea tšimong ea Edene, **HO E LEMA LE HO E LEBELA.** Jehova Molimo a laela motho, a re: Ha e le lifate tsohle tsa tšimo, u tla li ja; empa ha e le sefate sa ho tseba botle le bobbe, **u se ke ua se ja, hobane mohla u se jang, u tla shoa.**

Eaba ka bomalimabe motho o oela sebeng ka ho ja sefate sa tsebo ea botle le bobbe, 'me Diabolose a nka taolo holim'a lefats'e!

**SATANE KE EENA EA ILENG A NKA BORENA BONENG BO FUOE NTATE ADAMA**

**Johanne 14:30** Ha nka ke ka hlola ke bua le lōna haholo, **hobane morena oa lefatše [SATANE] lena oa tla;** 'me ha a na letho ho 'na.

**1 Johanne 5:19** Rea tseba hoba re tsoetse ke Molimo, **le hoba lefatše lohle le RAPALETSE KA TLASE HO E MOBE [SATANE].**

**2 Bakorinthe 4:4** e leng bao **molimo oa lefatše [SATANE] lena o ba fofalitseng likelello,** ke ho re, ba sa lumelang, ba tle ba se ke ba chabeloa ke leseli la Evangeli ea khanya ea Kreste, eo e leng setšoantšo sa Molimo.

Hoa hlaka hore Bibehe ha e buoa ka Morena oa lefats'e le na e bua ka Satane, 'me hoja hase ka ho kheloha hoa motho serapeng sa

Edene borena ba lefats'e bo ka be bo ntse bo setse liatleng tsa motho.

**HA MOTHO A LAHLEHELOA KE BORENA O ILE A LELEKOA PARADEISING**

**Genese 3:22, 23** Eaba Jehova Molimo o re: Bonang, motho o fetohile a be joalo ka e mong oa rona, o tseba botle le bobbe; 'me joale, **a se ke a isa letsoho la hae, a nka le litholoana tsa sefate sa bophelo, a li ja, 'me a phela ka mehla. Jehova Molimo a mo leleka tšimong ea Edene, a tle a ee ho lema mobu oo a ntšitsoeng ho oona.**

Kaha joale motho one ase a tlotse taelo ea Molimo o ile a lokela ho lelekoa serapeng sa Edene, 'me re fumana hore lebaka la mantlha la Molimo la ho leleka batsoali ba rona Edene ene ele hore ba tle ba hloke tokelo ea ho ja sefate sa bophelo. Ho boeloa ho hlakisoa hore ha motho ea oetseng sebeng ane a kaba le monyetla oa ja sefateng sa bophelo ona tlo phela ka ho sa feleng. Ka mantsoe amang motho ene e tlo ba moetsalibe **KA HO SA FELENG!**

Taba ena e thahasellisa haholo baratua Moreneng hobane re bona lerato la Molimo ka hore o ile a etsa qeto ea hore moetsalibe a se phele ka ho sa feleng. Re hlokomele hore lefu ke litlamorao tsa sebe, 'me mohloli oa lefu ke Satane eseng Molimo, empa Molimo o ile o nanabetsa letsoho la hae la mohau hore moetsalibe a se phele kamehla!

Qeto ena eo Morena a ile a etsa ke eona kajeno e ile ea bula khoru, hore Jesu Krete Konyana ea ho loka a tle lefats'eng, 'me a tlo jara makhopo le libe tsa rona. Ka mantsoe amang hoja motho o ile a tsoelepele ho ja sefate sa bophelo Krete one a ea hloka tokelo ea ho re shoela, 'me rene re tlo fetoha baetsalibe ba sa shoeng ka ho sa feleng, 'me satane ona tlo busa lefats'eng ka ho sa feleng, ENE ETLOBA PONO E NYAROSANG RURI!

Re boka Morena hore ka lebaka la sehlabelo sa Krete, kajeno ts'episo e teng ea hore re tla boela re kena Paradeising, 'me re boela re fuoa monyetla oa ho ja sefate sa bophelo sebe le litlamorao tsa sona li se li fentsoe ka metso ka ho sa eeng kae!

**Luka 23:42, 43** Eaba se re ho Jesu: Morena, u nkhopole ha u kena 'musong oa hao! Jesu a re ho sona: Ka 'nete ke re ho uena: **U tla ba le 'na kajeno Paradeiseng.**

**Ts'enolo 2:7** Ea nang le litsebe a utloe seo Moea o se bolellang likereke: **Ea hlōlang, ke tla mo fa ho ja sefate sa ho phela, se ka har'a Paradeise ea Molimo.**

Ho totobetse hore kaha ho tloha sethathong ha e sale tabatabelo ea Molimo ele ho bopela motho lefats'e hore motho a tle a hahe holima lona, kamorao ho timetsa lefats'e la joale ka mollo, Molimo o tlo khutlisetsa moralo oa Hae oa pele ts'ebetsong:

**Pesaleme 37:29** Ba lokileng ba tla ja lefa la lefatše, 'me BA TLA HLOLA HO LONA KA HO SA FELENG.

**Mattheu 5:5** Ho lehlohonolo ba bonolo; hobane ba tla ja lefa la lefatše.

Ka mantsoe amang ene ese sepheo sa Molimo hore batho ba ilo phela leholimong, ke kahoo re bonang bahalaleli ba nka fela lilemo tse sekete leholimong, 'me kamorao ho lilemo tseo ba boela ba tla lefats'eng. 'Me joale ba tlo hlola ka ho sa feleng lefats'eng lena le lecha leo Morena a ea le bopa.

---

*Ha re kene thutong ea ho qetela moo joale re tla bona bophelo bo monate ba bahalaleli Paradeising ha sebe sohle se se felisitsoe.*

"Eaba ke bona leholimo le LECHA le lefats'e le LECHA; hobane leholimo la pele le lefats'e la pele LI NE LI FETILE, le lona leoatle LE NE LE SE LE LE SIEO."

**Ts'enolo 21:1**

Metsoalle ke rata ho le tiisetsa hore seo Molimo oa rona a re lokiselitseng sona se fitisa kutloisiso ea ngoana motho ka botle, "ho lutse joalo ka ha ho ngoliloe, ho thoe: Taba tseo Molimo o li lokiselitseng ba o ratang, KE TSEO LEIHLO LE SA KANG LA LI BONA, TSEO TSEBE E SA KANG EA LI UTLOA, tse sa kang tsa itlhahela pelong ea motho" **1 Bakorinthe 2:9**

**Baporofeta ba Molimo ba ile ba fuoa bohashana fela ba lindle tsa leholimo,**



'me ke kholisehile hore ha, "joale, RE BONA KA SEIPONE, KA LEROTHO; mohlang oo, re tla senola, lifahleho li talimane; joale, ke tseba ka n̄ga e le 'ngoe feela; mohlang oo, ke tla tseba joalo ka ha ke tsebiloe le 'na" **1 Bakorinthe 13:12**

*Re ka kena likateng tsa sehlooho sa rona...*

### 1. Paradeising ho tlo ba le khotso le thabo e khaphatsehang

"Sechaba sa ka se tla aha moahong oa KHOTSO, le matlung a TS'EPEHANG, ng'along tsa BOIKETLO LE PHOMOLO." **Esaia 33:18**

"Hobane bonang, ke ea bopa maholimo a macha le lefats'e le lecha; tse fetileng ha li sa tla hlola li hopoloa, li ke ke tsa khutlela mehopolong. Empa letla ba le THABO LE NYAKALLO E SA FELENG ka seo ke eang ho se bopa, hobane bonang, ke ea bopa Jerusalema e be motse oa THABO le sechaba sa oona ebe sechaba se KHOTS'ENG THABO." **Esaia 65:17, 18**

### 2. Ho ke ke hoa hlola ho ba le lillo, lefu, mats'oenyeho, tlala leha e le ntho efe kapa efe e bohloko

"Ke tla etsa Jerusalema thabo ea ka, sechaba sa ka ke se etse lehlohonolo la ka; lentsoe la LILLO HA LE SA TLA HLOLA LE UTLOAHALA TENG, LEHA E LE LENTSOE LA POKOLLO." **Esaia 65:19**

"Molimo[Elohim] o tla HLAKOLA MEOKHO EOHLE MAHLONG A BONA; LEFU HA LE SA TLA HLOLA LE E-BA TENG; 'ME HA

HO SA TLA BA MASOABI, LEHA E LE HO BOKOLLA, KAPA BOHLOKO; HOBANE TSA PELE LI FETILE." **Ts'enolo 21:4**

"Ha ba sa tla HLOLA BA LAPA, LEHA E LE HO NYOROA; HA BA SA TLA HLOLA BA BATO KE LETSATSI, LEHA E LE KE LEBATAMA LE LENG; hobane Konyana e har'a terone e tla ba alosa, 'me e tla ba isa lilibeng tsa metsi a bophelo; 'me Molimo[Elohim] O TLA HLAKOLA MEOKHO EOHLE MAHLONG A BONA." **Ts'enolo 7:16, 17**

"Me ha ho motho ea ahileng Jerusalema ea tla re: KE BOHLOKO! Sechaba se ahileng teng se TS'OARETSOE LIBE." **Esaia 33:24**

Baheso ke rata ho bonts'a hore ha e ba re rata hoa phela moo ho senang mahloko a latelang ke nako ea hore re qalelle ho etsa likamano le Messiah:

- Lillo
- Lefu
- Bokulo
- Tlala
- Lenyoroa
- Mokhathala
- Lintoa
- leha ele ntho efe kapa efe e bohloko.

### 3. Bahalaleli ba ilo khumamela Molimo [Elohim] ka Sabbatha e ngoe le e ngoe.

"Hobane joalo kaha maholimo a MACHA, le lefats'e le LECHA LEE KE SENG KE TLA LE BOPA...KA SABBATHA E 'NGOE LE E 'NGOE MEFUTA EOHLE EA BATHO E TLA TLA KHUMAMA PEL'A KA: HO BOLELA JEHOVA [YAHUWAH]." **Esaia 66:22, 23**

"Ho tla tlisoa ho OONA KHANYA LE HLOMPHO EA LICHABA." **Ts'enolo 21:26**

Hlokomela hore Sabatha ha e sa le e le teng Edene le pele sebe se ba teng lefats'eng.

"Maholimo a phethoa joalo, le lona lefats'e le lintho tsohle tsa teng. Molimo [Elohim] oa phetha ka tsatsi la bosupa mosebetsi oo o o entseng; 'me ka tsatsi la bosupa oa phomola mosebetsing oohle oo o o entseng. Molimo [Elohim] oa HLOHONOLOFATSA LETSATSH LA BOSUPA, 'me oa le KHETHA, hobane o phomotse ka lona mosebetsing oohle oo Molimo [Elohim] o o entseng ka ho o sebetsa." **Genese 2:1-3**

HalleluYAH! Rea leboha ha Morena a boela a re khutlisetsa Edene, 'me kaholimo ho tsohle ke Edene e ncha moo ho seng ho sena sefate sa tsebo ea botle le bobbe EMPA e tlabe ese ele SEFATE SA BOPHELO FEELA. Bala **Ts'enolo 2:7; 22:1, 2** moo teng re tla boela re mo khumamela ka Sabbatha e ngoe le e ngoe!

**4. Bahalaleli ba ilo tlala thabo le monyaka, 'me ba bine lifela tse rosisang**

**boholo le bo phahamo ba Mookameli Ea Phahameng**

"Ba tla phahamisa mantsoe a bona, ba nts'e mehooeletso ea THABO, ba NYAKALLE...KA BAKA LA BOKHABANE BA JEHOVA [YAHUWAH]." **Esaia 24:14**

"...Jehova [Yahuwah]...o fetotse nahothothe ea hae ea e-ba joalo ka EDENE, le naha ea hae e omeletseng o e entse SERAPA SA JEHOVA [YAHUWAH]. THABO LE NYAKALLO LI FUMANNA TENG, KA LIFELA LE LIPINA." **Esaia 51:3**

"Ba lopolotsoeng Jehova [Yahuwah]...ka LIFELA TSA HLOLO, BA ROETSE THABO E SA FELENG HLOOHONG; LEHLOHONOLO KE THABO LI TLA TLA HO BA KHAHLANYETSA, bohloko le masisa-pelo li balehe." **Esaia 35:10**

**5. Khanya ke ea Molimo le Konyana ka sebele, 'me letsatsi le ha ele khoeli ha li hlokehe ho bonesetsa lehae la bakhethoa.**

"Ha esa tla ba letsatsi le u bonesang mots'eare, le khoeli ekeke ea hlola e u etsetsa ngoeli, empa Jehova[Yahuwah] E TLABA LESELI LE SA FELENG HO UENA, MOLIMO [ELOHIM] OA HAO EBE KHANYA EA HAO." **Esaia 60:19**

"Bosiu ha bo sa tla hlola bo eba teng, 'me ha ba sa hloka leseli la lebone, leha e le la letsatsi; hobane MORENA MOLIMO [ELOHIM] O TLA BA BONESA, 'ME BA TLA

BUSA KA MEHLA LE MEHLA." **Ts'enolo 22:5**

### 6. Bahalaleli bohle ba ilo ja litsoa-mobung kapa lijo tsa tlholeho

"...ba tla hloma merara, BA JE LITHOLOANA TSA EONA." **Esaia 65:21**

Hlokomela lijo tsa motho pele sebe se kena lefats'eng

"Molimo [Elohim] oa re: Bonang, ke le neile LIMELA TSOHLE tse behang peo, tse kahohle lefats'eng, le SEFATE SE SENG LE SE SENG se behang litholoana tse nang le peo, e be LIJO TSA LONA." **Genese 1:29**

Kajeno sesosa sa mafu a mangata a kotsi ke ho ja lijo tse sa hlahisoang ke tlholeho, 'me Molimo oa rona ka lerato la hae O ilo re fepa makheha a leholimo ho natlafatsa 'mele ea rona Paradeising!

**Malakia 4:2** "Empa ha e le lōna ba tšabang lebitso la ka, le tla chabeloa ke tsatsi la ho loka le nang le poloko mahlaseling a lona; LE TLA TSOA, LE BE LE THALE JOALO KA MANAMANE A NONTŠITSOENG."

### 7. Liphoofolo tse neng li le hlaha joalo ka bo phiri kapa tau li ilo phela hammoho le liphoofolo tse ling, 'me li tla be li fula joang joalo ka tsona.

"Phiri e tla FULA hammoho le konyana, tau e tla FULA JOANG ka khomo, lerole ebe lijo tsa noha; LI KE KE TSA KHATHATSA, leha e le ho senya thabeng eaka eohle e

halalelang; ho bolela Jehovah[Yahuwah]." **Esaia 65:25**

Hoa hlaka hore ho ke ke ha hlola ho eba le lefu ka tsela efe kapa efe le tlišoang ke motho a batla nama ea phoofolo kapa phoofolo e batla nama ea phoofolo e ngoe. Tsohle li tlo phela ka lerato le ka khotso ka lijo tsa tlholeho!

Ke thabo e kakang ho bona tau e fula joang joalo ka khomo...ho bona motho a phela ka limela le litholoana ho sena nako eo aka lakatsang ho fenetha bophelo ba phoofolo hore atle a itatsoe menonoa ka nama ea eona...u kareng joale ha bahalaleli ba boela ba khumamela pela Molimo [Elohim] ka Sabbathath e ngoe le e ngoe, 'me ba isa tlotla le poko le thoriso ho ea ba lopolotseng lefats'eng la mahlomola.

Ruri Molimo ke Ralimakatso, mesebetsi ea Hae ha e phetse hore makatsa kamehla:

**Pesaleme 139:14.**"Mesebetsi ea hao ea MAKATSA, moea oa ka o tseba teng haholo-holo."

**Pesaleme 66:5** Tloong, le bone mesebetsi ea Molimo; O TŠABEHA HO ETSENG HA OONA bakeng sa bana ba batho!

**Pesaleme 97:4** MAHALIMA A HAE A KHANYETSA LEFATŠE; lefatše lea bona, lea thothomela.

**Pesaleme 33:8** Lefatše kaofela a le ke le tšabe Jehova! Baahi bohle ba lefatše A BA KE BA THOTHOMELE PEL'A HAE!

**Pesaleme 19:1** MAHOLIMO A BOLELA KHANYA EA MOLIMO, 'me sebaka sa leholimo se bonahatsa mosebetsi oa liatla tsa oona.

**Pesaleme 104:24** JEHOVA, MESEBETSI EA HAO E MENGATA HAKAKANG! U e entse kaofela ka bohlae; lefatše le tletse matlotlo a hao.

**Esaia 40:26** Lelalang holimo, le talime! O TSAMAISA MAKHOTLA A TSONA KA LENANEO, O LI THONYA KAOFELA KA MABITSO A TSONA KA MATLA A HAE A MAHOLO, MATLA A HAE A SA SITOENG KE LETHO; HA HO LE E 'NGOE HO TSONA E HLOKAHALANG.

### RE RAPELA MOLIMO EA HLOLLANG!

**Jobo 37:14** Oho Jobo, sekehela taba tseo litsebe tsa hao; ema, u nahane MEHLOLO EA MOLIMO.

**Jeremia 37:17** Oho Morena Jehova, bona, ke uena ea entseng maholimo le lefatše ka matla a hao a maholo le ka letsoho la hao le otlohileng; HA HO LETHO LE KA U SITANG.

### KHOTHATSO HOBA SENG BA KHATHETSE

**2 Bakorinthe 4:1, 2** Ka baka leo, ha re ntse re e-na le tšebeliso eo ka mohau o re hlahetseng, ha re tepelle. Empa re lahlile lintho tse patoang tse lihlong; 'me ha re tsamaee ka mano, ha re tsoakanye lentsoe la Molimo, empa ka ho hlahisa

'nete, re iketsetsa kemelo matsoalong a batho bohle pel'a Molimo.

**2 Petrose 3:13, 14** “Empa re lebeletse, ka pallo ea oona, MAHOLIMO A MACHA LE LEFATŠE LE LECHA MOO HO LOKA HO IKAHETSENG TENG. Ka baka leo, baratuo, ereka ha le lebeletse tse joalo, itiiiseng hore le tle le fihleloe ke eena le e-na le khotso, le se na letheba le sekoli.”

### KHOTHATSO HOBA SENG BA LAHLEHETSOENG KE TSA LEFATŠE LENA

**Matheu 19:27-29** Joale, Petrose a bua, a re ho eena: Bona, rōna re tlohetse tsohle, 'me re u latetse; re tla ba le eng ka hona? Eaba Jesu o re ho bona: Ka 'nete kea le bolella, ke re: **Nchafalong ea tsohle, mohla Mor'a motho a lulang teroneng ea khanya ea hae**, lōna ba ntatetseng, le tla lula le lōna literoneng tse leshome le metso e 'meli, le ahlole meloko ea Iseraele e leshome le metso e 'meli. **E mong le e mong ea tlohetseng matlo, leha e le banab'abo, kapa bo-khaitselie, leha e le ntat'ae, kapa 'm'ae, kapa bana, leha e le masimo, ka baka la lebitso la ka, o tla neoa ha lekholo, a je le lefa la bophelo bo sa feleng.**

### KHOTHATSOA HO BARUI

**1 Timothea 6:17-19** Laela ba ruileng tsa mehla ea joale hore ba se ke ba ikhohomosa, ba se ka ba tšepa moruo o sa tieang, ba mpe ba tšepe Molimo o phelang, o re fang tsohle ka bongata, re tle



## 9. TSEBA KA SABBATHA

Kajeno ho bonahala kahara selika-likoe sa Bokreste ho qoba leroele ha ho ts'ets'ethoa litaba tse amanang le Melao ea Molimo haholo-holo molao oa bone o buang ka ho boloka letsatsi la Sabbatha le halalela.

Taba ena ea phapanyetsano ea maikutlo ho balateli ba Messiah ha se semaka kaha nalane e bonts'a hore kamora lilemo tse ka bang mashome a mane Messiah a nyolohetse leholimong thuto ea lebollo mohlala e ile ea baka pherekano kahara kereke e ne ele Jerusalema, "Ba bang ba neng ba e-tsoa Judea, ba ruta baena, ba re ho bona: Ekare ha le sa **bolle** ka mokhoa oa Moshe, **ha le ka ke la bolokeha**" **Liketso 15:1**.

Thuto ena e ile ea sisinya maikutlo a baena ba bangata ba balichaba ho fihlela ho romeloa Baapostola le Baholo ba kereke ho tla rarolla qaka eo, "Baapostola le baholo ba bōkana ho rerisana taba eo" **Liketso 15:6**. 'Me ka mohau oa Molimo qetellong Moea o Halalelang o ile oa senola 'nete sebakeng sa sehlooho seo sa lebollo, "Ho hopotsoe ke Moea o Halalelang le ke rōna, hore **re se ke ra le jarisa boima bo fetisang**, ha e se ba litaba tsena tse tšoanelang, e leng ho tela tse hlabetsoeng melimo, le mali, le tse fenethiloeng, le bofebe; ha le itima ntho tseo, etlaba le etsa hantle. Salang ka khotso!" **Liketso 28, 29**

Kamorao ho qeto ena, Evangeli e ile ea phatlalatsoa ka matla ho tiisa hore lebollo la

nama hase lona leka re tlisetsang pholoho, "Ha e le balichaba ba lumetseng, re ba ngoletse hoba re ahlotse hore **ba se ke ba tlangoa ka tse joalo**; feela, ba tele tse hlabetsoeng melimo, le mali, le tse fenethiloeng, le bofebe" **Liketso 21:25**. Tseo ho thoeng ba se ke ba tlangoa ka tsona ke hore, "**ba se ke ba bolotsa bana ba bona**, 'me ba se ke ba ea ka mekhoha ea bona" **Liketso 21:21** hobane "**Lebollo hase letho**, le boqai hase letho, empa eo e leng taba ke ho boloka melao ea Molimo" **1 Bakorinthe 7:19**

Baratuo Moreneng ka tsela e ts'oanang le rona ha se ho ka makatsang hore ebe hona le lintlha tseo re fapanyetsanang ka maikutlo ha rea re li lebile empa taba ea bohlokoa e ka sehloohong ke hore qetellong re lokela ho fumana tharollo ea moshoelella Mangolong a Halalelang ho rarolla pharela e ka bang teng hobane "Molimo hase Molimo oa mofere-fer..." **1 Bakorinthe 14:33**, 'me hare fa Lentsoe la hae ho re tlisetsa pherekano le maikutlo a loants'anang empa Lentsoe la Hae "le na le molemo oa ho ruta, oa ho kholisa, oa ho laea, le oa ho hōlisa ka khōlo ea ho loka; motho oa Molimo a tle a phethehe, 'me a rutehele ruri mesebetsing eohle e molemo" **2 Timothea 3:16, 17**

'Me sena u ka se fihlela ha fela u ka batla tsebo ena ea 'nete "joalo ka silefera, ua e rafa joalo ka matlotlo a patiloeng mobung" **Liproverbia 2:4**

Kotsi e teng e kholo e oelang ba senang nako e lekaneng ea ho nyakurela Mangolo a Halalelang “Le lahlehile ke hobane ha le tsebe Mangolo le matla a Molimo;” **Mattheu 22:29** ka hona sebetsa seo re lokelang ho se ts’oara mengoaheng ena ke “Ierumo la Moea, e leng lentsoe la Molimo” **Baefese 6:17**

Ha hole joalo, kahare ho tokomane ena re tlo fatisisa sehlooho sena sa Sabbatha ka botebo joalo ka ha Bibeletse ere, “Batlang bukeng ea Jehova [YHWH], le bale!” **Esaia 34:16** hobane “Ho lehlohonolo ea balang...” **Ts’enolo 1:3.**

## LINTLHA TSA BOHLOKOA TSE TLA TATAISA BOITHUTO BA RONA

1. *Sabbatha ke eng?*
2. *Ke mang ea faneng ka Sabbathath?*
3. *Sabbatha e qalile hoba teng neng, ‘me ho lekantsoe hore etlaba teng ho fihlela neng?*
4. *Lebaka kapa mabaka a entseng hore ho fanoe ka Sabbathath ke le fe kapa ke afe?*
5. *Na re na le mehlala ea batho ba bolokileng Sabbathath ba hlahang kahara Bibeletse Testamenteng E Ncha?*
6. *Mantsoe a baetapele ba likereke tse fapaneng holima Letsatsi la Sabbathath*

### 1. SABBATHA KE ENG?

“A re ho bona: Ke eona taba e boletsoeng ke Jehova [YHWH]: Hosanane ke tsatsi la phomolo, e leng **Sabbatha** e khethetsoeng Jehova [YHWH]...” **Exoda 16:23**

“Empa **letsatsi la bosupa ke phomolo** ea Jehova [YHWH], Molimo oa hao...” **Exoda 20:10**

“empa **letsatsi la bosupa ke Sabbathath** sa Morena Modimo wa hao...” **Phallo 20:10 (Phetolelo E Ncha)**

Ka mantsoe a bobebe re ka re:

#### ■ Sabbathath ke Letsatsi la bosupa la Phomolo ea Morena

Ha re lemoheng hore matsatsi a beke a supile ka palo, ‘me leo eleng la phomolo ea Morena le leng feela ke letsatsi la bosupa (Letsatsi la Sabbathath).

### 2. KE MANG EA FANENG KA SABBATHA?

“Yaba Modimo o bua mantswe ana wohle, o re: Hlokomela letsatsi la Sabbathath, o le halaletse. O ka sebetsa ka matsatsi a tshelentseng, mme wa etsa mosebetsi wa hao kaofela, empa letsatsi la bosupa ke Sabbathath sa Morena Modimo wa hao. Ka letsatsi lena o se ke wa etsa mosebetsi ofe kapa ofe, wena, kapa mora wa hao, kapa moradi wa hao, kapa mohlanka wa hao, kapa lekgabunyane la hao, kapa diphoofolo

tša hao, kapa mojaki ya ha hao. Ka matsatsi a tšeletseng Morena o ile a etsa lehodimo, le lefatshe, le lewatle, le dintho tsohle tse ho tsona, mme a phomola ka letsatsi la bosupa; ka baka lena Morena o ile a hlohonolofatsa letsatsi la Sabbatha, a le halaletsa.” **Phallo 20:1, 8-11 (Phetolelo E Ncha)**

“**Mei oa molao o mong**, ke eena ea nang le matla a ho boloka le a ho timetsa...” **Jakobo 4:12**

*Hana ke mang ea nang le matla a ho boloka le ho timetsa?*

"Jehova[Yahuwah] oa timetsa, 'me oa pholosa..." **1 Samuele 2:6**

Ho totobetse hore mohloli oa Sabbatha ke Jehova Molimo ka sebele. Ke Eena mothei le mong'a letsatsi lena la bosupa.

### **3. SABBATHA E QALILE HOBA TENG NENG, 'ME HO LEKANTSOE HORE ETLABA TENG HO FIHLELA NENG?**

“Maholimo a phethoa joalo, le lona lefatše le lintho tsohle tša teng. Molimo oa phetha ka tsatsi la bosupa mosebetsi oo o o entseng; ‘me ka tsatsi la bosupa oa phomola mosebetsing oohle oo o o entseng. Molimo oa hlohonolofatsa letsatsi la bosupa, ‘me oa le khetha, hobane o phomotse ka lona mosebetsing oohle oo Molimo o o entseng ka ho o sebetsa.” **Genese 2:1-3**

Sabbatha e khethiloe eaba ea

hlohonolofatsoa ke Molimo, hang kamorao hore Molimo [Elohim] a hlloe lintho tsohle. Ka mantsoe amang maholimo le lefats'e le maoatle le liliba tša metsi le tsohle tse ho tsona li hlotsoe ka matsatsi a ts'eletseng. Ke moo eitseng ha Molimo a fihla letsatsing la bosupa a ileng a phomola, 'me "...a khatholoha" **Exoda 31:17**

“Molimo o phomotse mosebetsing eohle ea oona ka letsatsi la bosupa.” **Baheberu 4:4**

*“...Molimo oa hlohonolofatsa letsatsi la bosupa...”*

Ho thoenng ka se se hlonolofalitsoeng ke Molimo?

**Numere 23:19** “...O hlohonolofalitse, nke ke ka ho fetola.”

**1 Likronike 17:27** “...hobane seo u se hlohonolofatsang, Jehova [YHWH], e ba se hlohonolofetse ka ho sa feleng.”

*Molimo hase Molimo o feto-fetohang.*

**Malakia 3:6** “Hobane, ‘na Jehova [YHWH], ha kea fetoha...”

"...nke ke ka fetola lentsoe le tsoileng molomong oa ka." **Pesaleme 89:34**

#### **NTLHA TSA BOHLOKOA:**

- Sabbatha e hlongoe ke Morena Molimo ts'imolohong le pele sebe se kena lefats'eng



- Hara lintho tse hlahang kahara Bibeletse hlohonolofalitsoeng ts'imolohong Sabbatha ke e ngoe ea lintho tseo. Hopola hore ka letsatsi la bots'elela Lenyalo le ile la beoa le hlohonolofetse. **Bala Genese 1:28**, 'me Lenyalo le Sabbatha ke mafahla ka ho sa feleng
- Se hlohonolofalitsoeng ke Molimo se hlohonolofetse ka ho sa feleng, 'me ha hona motho e aka se fetolang

Nalane e bonts'a Sabbatha e bile teng lilemo tse hakanyetsoang tse likete tse peli tse nang le makholo a mahlano (2500) pele ho kaba le sechaba sa Baiseraele. Ka mantsoe amang tlhaho ea Sabbatha ha ea simolloa ke moloko oa Baiseraele.

Ke kahoo Messiah areng, "...**Sabatha e entsoe ka baka la motho...**" **Mareka 2:27**, 'me sena se supa hore Sabbatha e etselitsoe sebopuo a se seng le se seng (*Ha se Sabbatha ea Bajuda feela*)

Ele ho arabela karolo ea ho qetela ea potso ea rona ea boraro eleng ereng na hone ho lekantsoe hore Sabbatha e tlabateng ho fihlela neng re tla bala Mantsoe a Molimo ka Moporofeta Esaia:

**Esaia 66:22-23** Hobane joalo ka ha maholimo a macha, le lefatše le lecha lee ke seng ke tla le bopa, a tla hlola a leteng pel'a ka, ho bolela Jehova [YHWH], leloko la lona le lebitso la lona le tla 'ne le be teng pel'a ka. Ka khoeli e 'ngoe le e 'ngoe ha e

roha, la **ka Sabatha e 'ngoe lee 'ngoe, mefuta eohle ea batho e tla tla khumama pel'a ka: ho bolela Jehova [YHWH]**.

Baratua Moreneng kea ts'epa hore rea hlokomela hore le Paradeising Sabbatha etlabentse ele teng, 'me ho hlakile hore ha hona le ka mohlang Sabbatha e tla felisoa. E hlohonolofalitsoe ts'imolohong le pele batsoali ba rona ba oela sebeng, 'me e tla lula ele teng ho isa le mehleng eo Molimo a tla boela a bopa maholimo a macha le lefatš'e le lecha!

#### 4. LEBAKA KAPA MABAKA A ENTSENG HORE HO FANOE KA SABBATHA KE LE FE KAPA KE AFE?

- Ke letsatsi le pakang hore Molimo oa Iseraele ke eena 'Mopi oa lintho tsohle. **Bala Exoda 20:11**

"Ka matsatsi a tsheletseng Morena **o ile a etsa** lehodimo, le lefatše, le lewatle, le dintho tsohle tse ho tsona, mme a phomola ka letsatsi la bosupa; ka baka lena Morena o ile a hlohonolofatsa letsatsi la Sabbatha, a le halaletsa" **Phallo 20:11 (Phetolelo E Ncha)**

Ntlha ena e bohlokoa haholo hobane ke eona e senolang matla a Molimo [Elohim] a popo. "Jehova [YHWH] **o entse** maholimo le lefatše, 'me ka la bosupa o phomotse, a khatholoha." **Ex.31:17**

Ho amohela Sabbatha ke sesupo sa ho amohela hore Molimo [Elohim] Ntat'a Morena oa rona Jesu [Yahshua] Krete ke

'Mopi oa maholimo le lefats'e le tsohle tse ho tsona.

**Pesaleme 33:6-9** “Maholimo a entsoe ke lentsoe la Jehova [YHWH], le makhotla 'ohle a 'ona ke pululo ea molomo oa hae. O bokella metsi a leoatle hammoho, a ka qubu; o boloka boliba lipolokelong tsa hae. Lefatše kaofela a le ke le tšabe Jehova [YHWH]! Baahi bohle ba lefatše a ba ke ba thothomele pel'a hae! Hobane; ha a bua, ho ee ho hlahe ntho; leha a laela, e ee e be teng.”

Hona ke thuto ho rona hore lefats'e halea nka limillione millione tsa lilemo ho ba teng joalo kaha boramahlale ba bang ba lefats'e lena ba bonts'a empa e bile ka matsatsi a ts'eletseng feela maoatle, liliba, maholimo le popo eohle li bileng teng, 'me re boka Morena hobane kamor'a ho phethela ts'ebetso ena o beile Sabbatha ele sehopotso sa hore tlholeho eohle e bopuoe ke Eena.

■ Ke letsatsi la thabo le la khahliso. Bala **Esaia 58:13, 14**

“Ha u ka thibela maoto a hao hore a se ke a senya Sabatha, ua tela mosebetsi oa hao ka letsatsi la ka le khethehileng; ha u ka bitsa Sabatha letsatsi la thabo, letsatsi le khethehileng la Jehova ua le bitsa khahliso ea hao, ua le hlompha ka ho lesa ho ea ka litsela tsa hao, le ka ho se etse mosebetsi oa hao, le ka ho se bue litaba tsa lefeela; ke moo u tla ithabela ho Jehova, 'me ke tla u haolisa liphahameng tsa naha joalo ka eka

u kaletse pere; u tla ja lefa la Jakobo, nta'ao moholo, hobane molomo oa Jehova o boletse joalo.” **Esaia 58:13,14**

Thabo e khaphatsehang e ile ea utloahala leholimong kamor'a hore Molimo [Elohim] oa rona a phethele mosebetsi oa popo “...U no u le kae, mohla ke theang lefatše... mohla linaledi tsa meso li ntšang mehoo ea thabo, le bara bohle ba Molimo ba binang ka nyakallo?” **Jobo 38:4, 7**

Ke bo mang ba ts'oants'oang le linaledi? “...Linaledi...ke mangeloi...” **Ts'en.1:20.**

Ruri re boka Morena ka mosebetsi oa liatla tsa hae “...ke tla hopola liketso tsa Jehova [YHWH], ke elelloe meeka ea hao ea boholo-holo; ke tla bolela mesebetsi ea hao kaofela, ke qaqisetse liketso tsa hao” **Pes 77:11,12.** Re hlolloa kamehla hare boha tlholeho, 'me Morena ka lerato la hae o re ore neile Sabbatha hore “...e be pontšo mahareng a ka le lōna, 'me ke moo le tla tseba hoba ke 'na Jehova [YHWH], Molimo oa lōna” **Ezek.20:20.**

Sabbatha ke letsatsi la thabo, letsatsi la khahliso leo bana Molimo ba amohelang matla le boholo ba Jehova [YHWH] “Ke tla rorisa Jehova [YHWH] ka baka la ho loka ha hae, ke binele lebitso la Jehova [YHWH], la Mookameli ea phahameng” **Pes 7:27**

Ka tsatsi lena maholimo a hopola mesebetsi e metle ea Morena, “Jehova [YHWH], maholimo a tumisa mehlolo ea hao, a bolela botšepahi ba hao phuthehong ea bahalaleli. Hobane, phahameng ea

maholimo, ke mang ea ka itekantšang le Jehova [YHWH]? Ke mang ea tšoanang le Jehova har'a bara ba Molimo?" **Pes 89:5,6**

■ Ke letsatsi la hoba le phutheho e halalelang. Bala **Levitike 23:3**

Ha ele moo Sabbatha ele letsatsi la thabo Molimo o laetse hore bana ba hae ba be le kopano e khethehileng ka tsatsi lena, "Ho tla sebetsoa ka matsatsi a tšelelseng, empa letsatsi la bosupa ke Sabatha ke letsatsi la phomolo; **ka lona phutheho e halalelang e tla ba teng.** Le se ke la sebetsa mosebetsi leha o le mong; ke Sabatha ea Jehova meahong ea lōna kaofela" **Lev.23:3**

Re boka Morena ka ho fana ka letsatsi leo bana ba hae ba behelang mosebetsi ea letsatsi le letsatsi ka thoko ba bokana ho phahamisa le hona ho rorisa lebitso lahae. Ke kahoo letsatsi lena eleng la mahlohonolo hoba le bolokang [Bala **Ex.16:20-30**].

'Min'a thoko ha boha bohlokoa ba letsatsi lena ore, "Tsatsi le halalelang, La Jehova [YHWH] 'Morena; Ke lona la bosupa, Le khethiloe ke Eena.

[Chorus: LE AMOHELE, LE AMOHELE, REA U THABELA, PHOMOLO EA MORENA.]

Mosebetsi oa qetoa, Ho e so qale lona, A le hlohonolofatsa, Ke ka hoo re phomolang..."

■ Ke lets'oao kapa ponts'o pakeng tsa Molimo [Elohim] le sechaba sa hae. Bala **Exoda 31:13; Ezekiele 20:12, 20**

Ak'u bue le bana ba Iseraele, u re: Le fele le boloke Lisabatha tsa ka, hobane ke **pontšo** mahareng a ka le lōna, melokong ea lōna, e le hore le tsebe hoba ke 'na Jehova [YHWH] ea le khethileng. **Exoda 31:13**

Ka ba nea le Lisabatha tsa ka, hore e be **pontšo** mahareng a ka le bona, ea hore ba tsebe hoba ke 'na Jehova [YHWH] ea ba halaletsang. **Ezekiele 20:12**

Ke 'na Jehova [YHWH], Molimo oa lōna. Tsamaeang ka likomelo tsa ka, le boloke melao ea ka, le etse ka eona; hape, le halaletse Lisabatha tsa ka, e be **pontšo** mahareng a ka le lōna, 'me ke moo le tla tseba hoba ke 'na Jehova [YHWH], Molimo oa lōna. **Ezekiele 20:19, 20**

Ponts'o e teng eo Morena ae fang bakhethoa ba hae, ke lets'oao leo ka lona bana ba hae ba khethehang lichabeng tse ling. Sabbatha ke tiiso e manehoang hoba ananelang boholo le bophahamo bo ea kaletseng maru, 'Mopi oa rona Jehova [YHWH] mohloli oa bophelo le khotso!

Ruri ho hotle ho ts'oauoa ke 'Mopi, ho tseba hore hona le Ntate ea re khethileng hara lichaba-chaba, a re hlatsoa lits'ileng tsa rona ka ho fana ka Krete pheko ea libe tsa rona, 'me joale hare amohetse mohau oa hae ore fa ponts'o e re behang ba halalelitsoeng, Sabbatha ke lets'oao la Molimo oa rona, "Jehova [YHWH] o lokile litseleng tsa hae tsohle, o mohau liketsong tsa hae tsohle" **Pesaleme 145:17**

- Ke letsatsi la phomolo, 'me phomolo ena ke sehlare sa khatholoho ho bakhethoa ba Molimo Bala **Exoda 20:8-11**

Kahara lihora tse mashome a mabeli a metso e mene [24 hours] tsa mafelo a veke e ngoe le e ngoe Molimo o fane ka monyetla oa khatholoho nameng, le semoeeng esita le kelellong ea hau. 'Me phomolo ena e matlafatsa kapa e nchafatsa boinehelo ba rona ho Molimo. Ke nako eo kelello e rets'ebanang ha monate liatleng tsa 'Mopi, 'me motho a hopola Molimo oa hae, "U tla sebetsa ka matsatsi a tšeletseng, 'me u etse mosebetsi oa hao kaofela. Empa LETSATSI LA BOSUPA KE PHOMOLO EA JEHOVA" **Ex.20:9, 10**

Poloko ea le tsatsi lena e tliša phethahalo ea mantsoe ana, "PELO E THABILENG KE SEHLARE SE MATLAFATSANG; athe moea o hlomohileng o omeletsa masapo" **Liproverbia 17:22**

Baratua harea lokela ho haelloa ke monyetla ona oa khatholoho, "...Sabatha e **entsoe** ka baka la motho..." **Mareka 2:27**

- Ke letsatsi la mahlohonolo. Bala **Exoda 16:20-30**

Felleng manna ane a jeoa ka matsatsi a ts'eletseng, 'me ka Sabbatha Molimo one a laetse hore hose be le motho ea ka tsoang tlung ea hae hoa bokella manna. Manna aneng a ka jeoa ka Sabbatha Morena one a fana ka ona ka letsatsi la bots'elela, "Ka tsatsi la botšelela, **ba ola bohobe habeli**

**hakalo, ho lekana homere tse peli ho motho a le mong..." Exoda 16:22**

Re ithuta hore ka matsatsi ana amang Molimo one a sa lumella bana ba hae ho bolokela manna letsatsi la hosasa,"Ho **se be** motho ho lōna **ea bolokelang letsatsi la hosasane**. Empa ha ba ka ba utloa Moshe; batho ba bang har'a bona ba ho beela hosasane; **eaba ho tsoa libōkō, ha nkha;** 'me Moshe a ba halefela" **Exoda 16:19, 20**, empa se makatsang ke hore ka Sabbatha manna a bokelletsoeng ka letsatsi la bots'elela ane a tsoha a sa bola e bile a sa nkhe. Bane ba a fumana a hlabosa ale maamong a nepahetseng!

Thuto eo re e fumanang mona ke hore phomolo ea Sabbatha ere supisa mahlohonolo le mehlolo eo Morena aka e etsetsang bana ba hae, "Jehova [YHWH] o kokotlelisa bohle ba khothometsehang, o emisa ba inamisitsoeng. Mahlo a libopuo kaofela a lebetse uena, **u li fa lijo ka nako e tšoanetseng**. U fuparolla seatla sa hao, u kholisa tse utloang kaofela." **Pesaleme 145:14-16**

Hare boloka Sabbatha ke moo re kekeng ra "belaella tsa hosasane; hobane hosasane ho tla ipatlela se sa hona. Letsatsi ka leng le lekanoa ke tšietsi ea lona" **Mattheu 6:34**, 'me re tla tseba hore maphelo a rona a liatleng tsa Morena, ts'epo eohle ea lijo, liaparo, mosebetsi le sohle seo re se hlokang se kolla matleng a Morena.

“Me ha re e-na le lijo le liaparo, a re kholoeng ke tsona” **1 Timothea 6:8** hobane rea tseba hore Ntat’a rona ea maholimong ke Eena ea re putsang ka tseo tsohle.

Khubu ea poloko ea Sabbatha e its’etlehile hantle moo re bonang hore ha se ka matla a rona re phelang, mohloli oa bophelo ke Molimo, ‘me Molimo oa rona feela ke kahoo mopesalema areng, “Ke lelaletsa mahlo a ka lithabeng; thuso ea ka e tla tsoa kae? **Thuso ea ka e tsoa ho Jehova [YHWH], ea entseng maholimo le lefatše” Pesalema 121:1, 2**

## 5. NA RE NA LE MEHLALA EA BATHO BA BOLOKILENG SABBATHA BA HLAHANG KAHARA BIBELE TESTAMENTENG E NCHA?

Re kena Testamenteng E Ncha

### A. MESSIAH KA SABBATHA

#### 1. NA JESU KRESTE O ILE A BOLOKA SABBATHA?

**Luka 4:16** [Jesu] A fihla Nasaretha, moo a neng a holetse teng. KA LETSATSI LA SABATHA, a kena sinagogeng KA MOKHOA OA HAE; ‘me a ema hore a bale.

**Luka 4:31** Eaba [Jesu] o theohela Kapernauma, motse oa Galelea; ‘me O NA A RUTA BATHO KA MATSATSI A SABATHA.

“...’na ke **bolokile** melao ea Ntate, ‘me ke lutse leratong la hae.” **Johanne 15:10**

Bibele e bonts’a Messiah ane a boloka Sabbatha joaloka re bone hore **Lev.23:3** e bonts’a Sabbatha le letsatsi la hoba le phutheho e halalelang.

#### 2. HOBANENG MESSIAH A BOLOKILE SABBATHA?

**Matt.5:17** Le se ke la hloma ekaba ke tlile ho felisa molao, leha e le baporofeta; HA KEA TLA HO FELISA, ke mpa ke tlile ho phetha

**Bar.7:12** Ha ho le joalo, joale, ha e le molao, oona oa halalela, le taelo ea halalela, e lokile, e molemo.

#### 3. HONE HO TLA ETSAHALA ENG HA MESSIAH ANE A KA TLOLA MOLAO?

**1 Joh.3:4** E mong le e mong ea etsang sebe o etsa tlōlo ea molao; hobane SEBE KE HO TLÖLA MOLAO.

Ho totobetse hore Messiah one a ea hloka tokela ea hoba Mopholosi ha ane aka etsa sebe eleng tlolo ea molao. ‘Me ho hlakile hore Krete o bolokile melao eohle ea Molimo ele ho siela balateli ba hae mohlala, “...Hobane ho rata Molimo, ke ha re boloka litaelo tsa oona, ‘ME LITAELO TSA OONA HA LI BOIMA.” **1 Joh.5:3**

### B. BALATELI BA MESSIAH LEBITLENG

**Luka 23:54-56** Tsatsi leo e ene e le la hlekelo, ‘me e ne e se e tla ba Sabatha.

Athe basali ba neng ba tsoile Galelea ba latela Jesu, ba talima lebitla, le kamoo setopo sa Jesu se beoang kateng. Ba khutla, ba lokisa linoko le litlolo; 'me ka letsatsi la Sabatha, ba phomola ka molao.

### **Bana bana ba Morena Molimo bane ba utloile mantsoe ana:**

"Ekare ha le nthata, bolokang melao ea ka." **Johanne 14:15**

"...Empa ha u rata ho kena bophelong, u boloke melao." **Mattheu 19:17**

Re lokela ho eelloa hore lefu la Messiah ha hona moo le felisitseng poloko ea molao oa bone joalo kaha re bonts'oa hore balateli ba hae ba ile ba nna ba tsoela pele ka ho boloka Sabatha leha Morena oa bona ase a thakhisitsoe.

### **C. PAULOSE KA SABBATHA**

Re fetela mokhahlelong o mong o bohlokoa haholo moo re tlo shebisana boemo ba Paulose mabapi le poloko ea Sabatha.

#### **1. PAULOSE ORENG KA MELAO E LESHOME?**

**Bar.7:14** "Hobane rea tseba hore molao ke oa moea..."

**Bar.7:22** Hobane ha e le ka motho oa kahare, ke thabela molao oa Molimo

**Bar.7:26** "Joale, ha e le ka 'na, ka kelello ea ka, ke sebeletsa molao oa Molimo..."

Ha hona moo thuto ea Paulose e hanang le bohlokoa ba ho boloka Melao e Leshome hobane, "...ha e le molao, oona oa halalela, le taelo ea halalela, e lokile, e molemo" **Bar.7:12**

Ba bangata ba hloma eka Paulose ona ruta hore ho lumela ho Messiah ho felisa molao empa eena ore, "Hleka joale re felisa molao ka tumelo na? Ho se ke ha thualo; re mpa re tiisa molao" **Bar.3:31**

#### **2. NA SABBATHA ONE A SE BOLOKA?**

**Liketso 17:2** Pauluse, KA TEMALO EA HAE, a kena ho bona, 'ME KA LISABATHA TSE THARO, a fetolana le bona ka Mangolo,

**Liketso 18:1,4** Ka mora' tseo, Pauluse a tloha Athene, a ea Korinthe...Empa KA MATSATSI 'OHLE A SABBATHA, o na a bolela litaba sinagogeng, a kholisa ba-Juda le ba-Gerike.

Rea hlakeloa hore Paulose o bolokile molao oa bone oa Sabatha, 'me ka ketso ena one a etsisa Morena oa hae Jesu [Yahshua] Krete, "Le be baetsisi ba ka, joalo ka ha le 'na ke le oa Krete" **1 Bar.11:1**

Baratua, ho totobetse hore thuto ea Moapostola Paulose ha hona moo e fetotseng poloko ea Sabatha empa ha esale e phahamisa bohlokoa le molemo oa ho boloka melao eohle e Leshome ea Molimo hare lutse mohaung oa Krete ka tumelo.

## D. BAKRESTE BA BANG KA SABBATHA

### 1. BOPAKI BA BO-RANALANE

“Bakreste ba khale ba ile ba boloka Sabbatha...ba ts'oara liphutheho tse halalelang tsa bona ka Sabbatha, 'me ka tsatsi lena karolo ea molao ene e baloa, taba ena haesale e tsoela pele ho isa le nakong ea lekhlotla la Laodisea.” **“The Whole Works of Jeremy Taylor, Vol. IX, p. 416 (R. Heber's Edition, Vol XII, p. 416).**

“Ho totobetse hore Sabbatha ha ea ka ea fetoha, 'me ene e bolokoa ke Bakreste ke kereke e ka bochabela, lilemo tse makholo a mararo [300 years] kamora lefu la Krete.” **“A Learned Treatise of the Sabbath,” p. 77**

“Balichaba ba Bakreste le bona bane ba boloka Sabbatha” **Gieseler's Church History, Vol.1, ch. 2, par. 30, 93.**

### 2. BOPAKI BA BIBELE BO BONTŠ'ANG HORE BAKRESTE BA PELE HA ESALE BA NTSE BA BOLOKA SABBATHA

Ho bohlokoa ho tseba hore Buka ea Liketso e ngotsoe lilemo tse ka bang mashome a mararo [30 years] kamora thakhisoa ea Krete.

**Liketso 13:14** Ha e le bona, ba tloha Perge, ba tla Antioke oa Pisidia. Ba kena sinagogeng ka letsatsi la Sabatha, ba lula

**Liketso 16:13** Eare ka letsatsi la Sabatha, ra tsoa motseng, ra ea pel'a nōka, moo ho nong ho lemaletsoe ho rapeloa teng, 'me ha re se re lutse, ra bua le basali ba phuthehetseng teng.

**Liketso 18:4** Empa ka matsatsi 'ohle a Sabatha, o na a bolela litaba sinagogeng, a kholisa ba-Juda le ba-Gerike.

### QOTSULO EA BOHLOKOA

“Bakreste ba khale ba ne ba le hlokolosi haholo polokong ea Sabbatha [Moqebelo]...ho hlakile hore karolo e ngata ea Bakreste ene e boloka Sabbatha...” **Antiquities of the Christian Church, Vol.II Book XX, chap. 3, sec.1, 66. 1137,1138.**

Re kena mokhahlelong oa ho qetela o phethelang thuto ea rona, 'me re tlo sheba lingoloa tse hlahang ho baetapele ba likereke tse fapaneng mabapi le poloko ea Sabbatha

### 6. MANTSOE A BAETAPELE BA LIKEREKE TSE FAPANENG HOLIMA LETSATSI LA SABBATHA

#### #1. Disciples\_of\_Christ

"Letsatsi le qalang veke ho se ho tloaelehile hore le bitsoe Sabbatha. Ho na ke phoso. Ho latela Bibe, Sabbatha ke letsatsi le tlang pele ho letsatsi le qalang veke. Ho hang kahara Bibe ha hona moo letsatsi le qalang veke le bitsoang Sabbatha. E

boetse ke phoso ho ruta hore Sabbatha e leng Moqebelo e fetoletsoe ho Sontaha. Hohle kahare ho Bibehe ha hona teko le ele ngoe feela e kileng ea etsoa ho fetola Sabbatha." **First Day Observance p.17, 19.**

"Empa, ba bang ba re "e ile ea fetoloa ho tloha letsatsing la bosupa ho ea ho la pele." Ho kae? Ka nako efeng? Hape ke mang? Ha hona motho ea ka u bolellang. Chee, ha eaka ea fetoloa, 'me ekeke ea hlola e fetoloa...Kannete ke lits'omo tsa basali ba tsofetseng hore Sabbatha letsatsi la bosupa le fetoletsoe ho letsatsi la pele. Haeba e fetohile ke ha e fetotsoe ke eo ho itsoeng o tla fetola linako le melao 'me ke nahana hore lebitso la hae ke Ngaka Antichrist." **Alexander Campbell, The Christian Baptist, Feb 2, 1824, vol. 1, no.7, p. 164.**

## #2. Methodist\_Church

"Sabbatha e bile teng Edene, 'me ha e sale e kena ts'ebetsong ho tloha ka nako eo. Molao ona oa bone o qala ka lentsoe le reng 'hopola' 'me le bonts'a hantle hore Sabbatha ha e sale e le teng le pele Molimo aka ngola melao holima matlapa thabeng ea Sinai. Joale ho tla joang hore motho e mong a bonts'e molao oo o le mong feela o felisitsoe sefapanong empa a lumela hore Melao e meng e robong eona re ntse re ts'oanela ho e boloka?" **D. L. Moody, weighted and wanting (Fleming H. Revell Co: New York) p.47, 48**

## #3. Presbyterian\_Church

"Sabbatha ke karolo ea melao e leshome, 'me taba ena ka boeona feela e u bolella bosafeleng...kantle le hore ho bonts'oe melao eohle e leshome e felisitsoe kannete ha ele Sabbatha etla lula e le teng. Thuto ea Krete e pakile hore Sabbatha e tla hlola ka ho sa feleng." **T. C. Blake, D.D. Theology Condensed p. 474, 475**

## #4. Lutheran\_Church

Empa ba ea fosa ha ba ruta hore Sontaha e nkile sebaka sa Sabbatha e hlahang Testamenteng ea khale 'me joale re se re lokela ho e boloka ka ha eka ke lona letsatsi la bosupa leneng le bolokoa ke bana ba lseraele...

Likereke tsena lia fosa ha li ruta, ha ho na moo Mangolo a halalelang a hlohonolofatsang letsatsi le qalang vekeng sebakeng sa Sabbatha. Le kahare ho Testamente e Ncha ruri ha hona molao o joalo." **John Theodore Mueller, Sabbath or Sunday p.15, 16.**

## #5. Anglican\_Church

"Ke hokae moo kahara Mangolo a halalelang re bolelloang hore re ts'oanela ho boloka letsatsi le qalang veke? Re bolelloa ho boloka la bosupa 'me ho hang ha hona moo re laeloang ho boloka la pele...lebaka le etsang hore ebe re boloka letsatsi le qalang veke ho fapana le letsatsi la bosupa ke hobane re ntse re etsa lintho tse ling tse ngata tse sa hlaheng ka Bibeleng li mpa li hlongoe ke kereke." **Isaac**





## 10. NA SONTAHA KE LETSATSI LA BORAPELI?

Sehlooho sena se bohlokoa haholo, 'me ke thapelo le kopo eaka hore re tle re kope Molimo Ntate hore a tle a romele Moea oa Hae o Halalelang hore tataisa boithutong bona.

Joale kaha re ile ra nka nako ea rona re phenyekolla likateng tsa letsatsi la bosupa la Sabbatha, kajeno re tlo fata e bile re fatisisa nalane ea letsatsi la pele le qalang veke eleng Sontaha. 'Me joalo kaha re ile ra sebelisa Bibeletse le bopaki bo hlahang nalaneng ho tiisa taba tsa Sabbatha, re tlo boela re sebelisa leano le ts'oanang ho seka-seka sehlooho sena sa Sontaha.

Ho bonahala kajeno Bakreste ba bangata ba na le khahleho le thahasello e kholo holim'a nalane ea matsatsi a borapeli eleng Sabbatha (Moqebelo) le Sontaha. 'Me ke le e mong oa Bakreste ba mehla ea joale ke nkile nako ke lohatha taba ena, 'me ka qalella ho phenyekolla Mangolo a Halalelang ho fumana kutloisiso e phethahetseng ea sehlooho sena.

Hang kamora ho fuputsa kahara letlotlo le ts'epahalang la bophelo, eleng kahare ho Bibeletse ke ratile hore kajeno re tlo arolelana le uena lintlha tse amanang le nalane ea letsatsi la Sontaha.

*Baratuo Moreneng, ke rata ho hlakisa esale qalong mona hore ehlile ho boima ho ruta ka nalane ea Sontaha re its'etlehile ka*

*Bibeletse hobane joale ha se thuto e hlahisoang ka tsela e pharaletseng kahara Mangolo a Halalelang ka ha ho tloha ts'imolohong Sontaha ha e aka ea tloha ele letsatsi leo Molimo a le bileng ele la borapeli. Leha hole joalo Molimo hare siea rele lefifing ka taba ena.*

### NTLHA EA BOHLOKOA

*Re tla qala pele re ithuta hore na Bibeletse bonts'a Sontaha ele letsatsi la borapeli kapa che, re ntse re ipapisitse le thuto ea Sabbatha e sa tsoa feta.*

*Hamorao re tla nyakurela lingoloa tsa boranalane ho ithuta ka metso ea borapeli ba Sontaha.*

### 1. SONTAHA HO TLOHA TS'IMOLOHONG

**Gen.1:3-5** Molimo oa re: Leseli ha le be teng; 'me leseli la e-ba teng. Molimo oa bona hoba leseli le molemo; 'me Molimo oa arohanya leseli le lefifi. Molimo oa bitsa leseli motšehare, 'me lefifi oa le bitsa bosiu. 'Me ha e-ba mantsiboea, ha e-ba hosasa: E BILE LETSATSI LA PELE.

Re lokela ho ela hloko hore Sontaha ke letsatsi leo 'Mopi oa rona a ile a qala mosebetsi oa popo ka lona, 'me ntlha e ngoe ea bohlokoa ke hore ha hona moo re bonang Molimo a hlohonolofatsa letsatsi la Sontaha ts'imolohong joalo kaha a ile a etsa ka la bosupa. Hopola **Genese 2:1-3**.

## 2. SONTAHA KE LETSATSİ LA MOSEBETSİ

**Ezek.46:1** Morena Jehova [YHWH] o re: Monyako oa lebala le kahare, o talimileng ka 'nğa bochabela, o tla koaloa KA MATSATSİ A TŠELETSENG A HO SEBETSA; empa ka tsatsi la Sabatha, o tla buloa; o tla buloa le ka letsatsi la khoeli ha e thoasa.

Ho totobetse hore ho tloha ka Sontaha ho isa letsatsing la bots'elela[Friday] ke nako ea ho sebetsa le ho phetha mabaka ohle a bophelo, "U tla sebetsa ka matsatsi a tšeletseng, 'me U ETSE MOSEBETSİ OA HAO KAOFELA" **Ex.20:9**

O na ke motheo o mokhuts'oanyane oa nalane ea Sontaha ho latela Bibehe.

### 3. NA MESSIAH O NE A NKILE LETSATSİ LA SONTAHA ELE LETSATSİ LA BORAPELİ?

**Mareka 6:2,3** Eitse TSATSİ LA SABATHA HA LE CHABA, A QALA HO RUTA SINAGOGENG, 'me ba bangata ba mo utloang ba tsota, ba re: Taba tsena eo o li nkile kae? Ke'ng bohlale boo eo a bo neiloeng, le mehlolo e kalo e etsoang ka matsoho a hae? NA EO HASE 'METLİ NA? Na hase mor'a Maria, ngoan'abo Jakobo, le Jose, le Juda, le Simone? Bo-khaitselie na ha ba moo ho rōna na? 'Me ba khopjoa ho eena.

Hona le ntlha tsa bohlokoa tseo re lokelang ho li ela hloko temaneng e ka holimo:

- Messiah ene ele tloaelo ea Hae ho ea kerekeng (Sinagogeng) ka Sabbatha
- Messiah ona sebetsa ele 'metli oa lepolanka.

Haele mo Messiah ana phutheha ka Sabbatha ke afeng matsatsi aneng a etsa mosebetsi oa matsoho ka ona?

**Lev.23:3** HO TLA SEBETSOA KA MATSATSİ A TŠELETSENG, empa letsatsi la bosupa ke Sabatha ke letsatsi la phomolo; ka lona phutheho e halalelang e tla ba teng. Le se ke la sebetsa mosebetsi leha o le mong; ke Sabatha ea Jehova meahong ea lōna kaofela.

Molimo o laetse hore mosebetsi oa rona oa matsoho o ka etsoa ka matsatsi a ts'eletseng, ho hlakile hore Sontaha ke letsatsi leo Messiah anneng a sebetsa ka lona hobane ha hona molao le o le mong feela oa Molimo a kileng ao roba ha ane a le lefats'eng, 'me "...Ka letsatsi la Sabatha, a kena sinagogeng ka mokhoa oa hae; 'me A EMA HORE A BALE" Luka 4:16, letsatsi la borapeli ho Eena ha esa le ele la bosupa la Sabbatha.

### 4. NA HONA LE SENENG SE KHETHEHILE KA LETSATSİ LA SONTAHA HO EA KA KRESTE?

**Mareka 2:27,28** Jesu [Yahshua] a re ho bona: Sabatha e entsoe ka baka la motho,

motho ha a etsoa ka baka la Sabatha. Ha ho le joalo, MOR'A MOTHO KE MORENA LE OA SABATHA.

Letsatsi le leng feela leo Messiah a ipitsang Morena oa lona, leo hape Molimo a le hlommeng molemong oa phomolo ea motho – ke Sabatha, 'me hona hore bea boemong bo re hlakeloang hore Sontaha ho Krete ene ele letsatsi fela le ts'oanang le amang a ts'ebetso.

### 5. NA BAAPOSTOLA BA ILE BA BOLOKA SONTAHA ELE LETSATSI LA BORAPELI?

Thutong e fitileng eneng e bua ka nalane ea Sabatha re ile ra fumana bopaki bo bonts'ang hore Baapostola ba bolokile Sabatha. Temana tse mashome a mane a metso e ts'eletseng (46) le ho feta kahara Testamente e Ncha li bua ka Sabatha, 'me ke tse robeli (8) feela kahara Testamente e Ncha tse buang ka Sontaha, 'me re tlo leka ho shebisana hore na temana tseo li reng re ipapisitse le potso e kaholimo.

#### TEMANA EA #1

**Matt.28:1** Eitse qetellong ea Sabatha, ha LETSATSI LE QALANG VEKE [SONTAHA] le tla chaba, Maria Magdalena le Maria e mong BA TLA BONA LEBITLA.

Re fumana molaetsa o bobebe ore bolellang ka tsoho ea Messiah e ileng ea etsahala ka Sontaha, 'me ha hona moo re fumanang taelo ea ho keteka Sontaha ele

se hopotso sa tsoho ea Messiah kapa Sontaha ho thoe ese e felisitse poloko ea Sabatha.

Morena o re sietse kolobetso ea metsi ele lets'oao la ho ananela lefu le tsoho ea Hae. Bar.6:3-11. Ka mantsoe amang ho ea kerekeng ka Sontaha ka sepheo sa ho keteka tsoho ea Messiah ha se taba e laetsoeng ke Jehova [YHWH]. **TEMANA EA #2, 3**

**Mareka 16:2, 9** Ka meso EA LETSATSI LE QALANG VEKE, ba ea lebitleng, letsatsi ha le sa tsoa chaba. JESU [Yahshua] HA A TSOHILE KA MESO EA LETSATSI LE QALANG VEKE, a itlhahisa pele ho Maria Magdalena, eo a neng a lelekile batemona ba supileng ho eena. Ka tsela e ts'oanang re fumana molaetsa o ts'oanang le oa temana e kaholimo eo re seng re buile ka eona. Messiah o tsohile bafung ka Sontaha.

#### TEMANA EA #4

**Luka 24:1** Ka TSATSI LE QALANG VEKE, e sa le ka meso, ba ea lebitleng ho isa linoko tseo ba li lokisitseng, ba e-na le ba bang .

Re boela re ntse re fumana bopaki bo ts'oanang.

Leha hole joalo re lokela ho ela hloko hore kahara temana tse 4 tse buang ka Sontaha ha hona le ele ngoe feela e laelang bahalaleli ho ea kerekeng ka Sontaha re sa hlakole hore tsoho ea Krete e bile molemo,

'me e bile ke eona khubu ea tumelo ea rona re le Bakreste. Bala **1 Bakorinthe 15:14**.

### TEMANA EA #5, 6

**Johanne 20:1, 19** Ka TSATSI LE QALANG VEKE [SONTAHA], Maria Magdalena a ea lebitleng e sa le ka meso, ho sa le lerotho; 'me a bona hobane lejoe le tlositsoe lebitleng. Ka MANTSIBOEA A LETSATSI LEO, E LENG LE QALANG VEKE, menyako ha e ne e koetsoe ea moo BARUTUOA BA NENG BA PHUTHEHILE TENG, ka baka la ho tšaba ba-Juda, Jesu a hlaha, a ema har'a bona, a re ho bona: Khotso e be le lona!

Mona re boela re bona liketsahalo tsa mohla Messiah a tsoileng lebitleng le kamoo barutuo a ba hae ba ileng ba phutheha ka tsatsi leo la Sontaha sebakeng se le seng. Re kekeng ra iphanyetsa taba ea hore barutuo a ba Messiah ba ile ba phutheha ka Sontaha mohla letsatsi leo la tsoho ea Morena oa rona, leha hole joalo kopano ea bona ha re bone e fetoha taelo ea hore Bakreste ba lokela ho tlohela hoba le phutheho e halalelang ka Sabbatha joalo kaha Mangolo a bolela.

Ka mantsoe a bobebe temana tsena tse kaholimo li re fa boemo bo bileng teng mohla Krete a tsohileng mabitleng, ha hona moo li hlakolang molao oa bone oa Sabbatha ka ho re fa taelo e ncha ea ho boloka Sontaha

### TEMANA EA #7

**Liketso 20:7** KA LA PELE LA VEKE [SONTAHA], eitse HA BARUTUOA BA PHUTHEHILE HO NGOATHA BOHOBE, Pauluse ha a tla tsamaea hosane, a buisana le bona, a isa halelele, ea ba ea e-ba bosiu bo boholo.

Re boela re fumana temana e bonts'ang kopano ea barutuo a ba Messiah ka Sontaha, 'me sepheo sa Bakreste bana ho bonahala ene ele ho ngoatha bohobe.

Na ke ka Sontaha feela barutuo a baneng ba kopana ho ngoatha mahobe?

**Liketso 2:46, 47** Ba ne ba tiisetse tempeleng KA MATSATSI 'OHLE, ba le pelo e le 'ngoe; enere ha ba e-tsoa tlung e 'ngoe, ba ne ba kena ho e 'ngoe, BA NTSE BA NGOATHA BOHOBE; ba ne ba e-ja lijo tsa bona ka thabo le ka lipelo tse monate, ba boka Molimo, 'me ba khahlisa sechaba kaofela. 'Me Morena a 'na a eketsa kereke ka tsatsi le leng le le leng ka batho ba bolokehang.

Ho latela temana tse kaholimo ho totobetse hore taba ea ho kopana ka Sontaha ho ngoatha mahobe ene ese ketsahalo e khethehileng sebakeng sa letsatsi la Sontaha feela kaha ho bonts'oa ka matsatsi 'ohle bane ba ntse ba ngoatha mahobe. Ka mantsoe a bobebe **Liketso 20:7** hase bopaki ba hore re se re lokela ho ea kerekeng ka Sontaha, empa se neng se etsahala ka tsatsi leo ene ele ketelo ea Paulosi e ileng ea ba ea etsa hore a rute ho fihlela bosiu bo boholo bo ts'oara. Bala

temana tse latelang eo ea bosupa khaolong e ts'oanang.

## TEMANA EA #8

**1 Bakor.16:2** KA TSATSI LE QALANG VEKE SONTAHA], e mong le e mong oa lona a bee kathōko ha hae see a ka se bokellang, a lekanye ka see a sitsitsoeng ka sona, ho se ke ha lebelloa ho tla ha ka ho etsa likabelo

Temana ena e bonts'a keletso eo Paulose a ileng a e fa kereke ea Korinthe hore setho se seng le se seng se lokela ho etsa moralo oa ho ipokellela kabelo kamehla maqalong a veke. Ka tsela e bobebe ha re bone moo taba ena e amang likopano tsa bahalaleli ka Sabbatha empa ho buoa ka mekhoha e nepahetseng eo setho se khothaletsoang ho etsa pokello ea likabelo.

Baratua Moreneng re se re bone hore ha hona temana le ele ngoe feela kahara Bibe e hlakolang molao oa bone oa Sabbatha, hape re boetse re bona hore ha hona temana e fanang ka taelo ea hore kamora lefu la Messiah Bakreste ba se ba lokela hoba le phutheho e halalelang ka letsatsi la Sontaha.

Joale potso e sallanang le rona re le baithuti ba Bibe ke hore na taba ena ea borapeli ba Sontaha e hlaha hokae.

“Bakreste ba bangata ba nahana hore Sontaha ke letsatsi la borapeli le tšehetsoang ke mangolo a halalelang. Kereke e Katoliki e khahlanong le taba eo

hoba ke eona e fetotseng letsatsi la borapeli la Sabatha la Bakreste (Moqebelo) ho le isa ho Sontaha, ‘me ho leka ho hana ore phetolo e entsoe ke Bibe ke ho hloka toka le ho hana matla a Katoliki. Haeba Maporositanta a batla ho tšetleha lithuto tsa bona holima Bibe feela ba tšoanela ho rapela ka Moqebelo.” – **Rome’s Challenge, December 2003.**

“Sontaha...ke molao oa Kereke e Katoliki feela.” – **American Sentinel (Catholic) June 1893.**

HOBANENG KEREKE E KATOLIKI E KHETHILE LETSATSI LA SONTAHA KAHARA MATSATSI A AMANG?

**Nalane [History] ere:** “Sontaha [SUN-day] ke lebitso le tsoang ho Bahetene le fuoeng letsatsi la pele la veke, hobane ene ele letsatsi [Day] leo ho rapeloang LETSATSI [SUN] ka lona.” **John Eadie, D.D. LL.D. A Bible Cyclopedia p. 561**

“Ho tloha mengoaheng ea boholo-holo letsatsi [SUN] le ne le khumameloa Babilona.” **Sir James G. Frazer, an authoritative scholar, makes this statement in his book The Worship of Nature, Volume 1, page 529.**

“Letsatsi [SUN] ene ele molingoana o moholo haholo ho Bahetene...letsatsi [SUN] lena le barapeli Persia le mafats'eng a mang...” **Catholic William Gildea, Doctor of Divinity, wrote in The Catholic World, March, 1894, page 809.**

“Sontaha ke letsatsi [Day] le re retsoeng bokhumameli ba letsatsi [SUN], eleng lona letsatsi [Day] la pele la veke.” **Schaff-Herza Encyclopaedia**

## BIBELE ERENG KA TABA E?

**Ezek.8:15,16** A re ho 'na: Mor'a motho, na u bone na? U sa tla bona MANYALA A MANG A MAHOLO a fetang ao. Eaba o nkisa lebaleng le kahare la ntlo ea Jehova [YHWH], 'me ka bona monyako oa ntlo ea Jehova, pakeng tsa mathule le aletare, banna ba batlileng ho etsa mashome a mabeli a metso e mehlano, ba furaletse ntlo ea Jehova[YHWH], BA TALIMILE 'NGA BOCHABELA, BA KHUMAMETSE LETSATSI [SUN], 'NGA BOCHABELA.

Ho totobetse hore borapeli ba letsatsi [SUN] ke manyala mahlong a Molimo ho latela seo Moprofeta Ezekiele a ile a se senoleloa liponong.

Re boela re botsa, joale hobaneng Kereke e Katoliki e tlisitse letsatsi [DAY] leo la Bahetene ba rapelang letsatsi [SUN] ka lona kahara likereke tsa Bokreste? “Eena “Kereke e Katolitki” o nkile Sontaha sa BAHETENE a se etsa Sontaha sa Bakreste...” – **Catholic Word, March 1894 p.809**

“Ke mang ea tlisitseng letsatsi (day) [leo ho rapeloang] letsatsi (sun) kahare ho kereke ea Bokreste? Hobaneng lefatše la Bakreste le boloka Sontaha? **SONTAHA KE LETŠOAO LA RONA LA MATLA....**kereke e kaholimo ho Bibe, 'me phetolo ena ea

Sabatha [ho ea ho Sontaha] ke bopaki ba taba eno.” - **Catholic Record, Sept. 1st 1923.**

Hona le lintlha tse peli tse bohlokoa qotsulong e kaholimo

1. Kereke e Katoliki e bonts'a Sontaha ele LETS'OAO la eona la matla

2. Borapeli ba Sontaha ke bopaki ba hore Kereke ha e tataisoe ke Bibe empa e tsamaea ho latela matla a eona.

Baratua taba tsena li sisimolosa haholo, ha re hopoleng hore na Bibe ere Lets'oao la Molimo ke le feng.

**Ex.31:13** “...Le fele LE BOLOKE LISABATHA TSA KA, HOBANE KE PONTŠO[LETS'OAO] mahareng a ka le lōna, melokong ea lōna, e le hore le tsebe hoba ke 'na Jehova[YHWH] ea le khethileng”

**Ezek.20:12** “KA BA NEA LE LISABATHA TSA KA, HORE E BE PONTŠO [LETS'OAO] mahareng a ka le bona, ea hore ba tsebe hoba ke 'na Jehova ea ba halaletsang”

Ho hlakile hore nto ena e pakeng tsa thato ea Molimo le thato ea motho. Molimo o fane ka lets'oao la hae ele Sabbath, motho oa lefats'e le eena ka nqena o beha Sontaha ele lets'oao la hae, 'me joale re lokela ho etsa khetho hore na re latela taelo ea mang, “E ka khona re utloe Molimo ho e-na le batho” **Liketso 5:29**; Bala **Bar.6:16** Thuto ena ha e bobebe banabeso, 'me hake tsebe

na ke ka tsela efeng nka e behang empa ke lumela hore Moea oa Morena ke ona otlare supisa seo eleng 'nete ea Molimo.

Lefat'se la rona le se le atametse bofelo, Diabolose ka maqita a hae o ntsa tsoelapele ho thetsa sechaba sa Morena.

1. Ha Molimo a re monna o tla kopangoa le mosali ka lenyalo, Satane o kopanya monna le monna e mong esita le mosali le mosali e mong, 'me a bitse ntho eo lenyalo empa mahlong a Morena taba eo ke manyala. Bala **Lev.18:22**

2. Ha Molimo a re Sabbatha ke letsatsi leo bana ba hae ba lokelang hoba le phutheho e halalelang, Satane eena o fetotse Sabbatha a kenya Sontaha letsatsi leo bahetene esaleng ba khumamela melingoana ea bona ka lona, 'me borapeli boo Molimo o hlakisitse hore ke manyala mahlong a hae. Bala **Ezek.8:16**

Ntoa e khole ese e qalile, ntoa pakeng tsa botle le bobele, ntoa pakeng tsa leseli le lefifi, ntoa pakeng tsa Molimo le Diabolose, ntoa pakeng tsa Messiah le AntiKreste, 'me mohoo o moholo o so tsoile leholimong hore rona ba phelang lefats'eng re tle re etse qeto e tla re thusa ho kena bophelo bo sa feleng, "Hape, ka bona lengeloi ...la re ka lentsoe le phahamileng: TŠABANG MOLIMO...hobane nako ea ho ahlola ha oona e tlele, 'me le khumamele ea entseng leholimo, le lefatše, le leoatle, le liliba tsa metsi" **Ts'en.14:6,7**

- a. Ke mang eo u mo ts'abang?
- b. Na ua hlokomela hore nako ea kahlolo ese e tlele?
- c. Ke mang eo u mo khumamelang?

Hare phethela re ka akaretsa thuto ena tjena:

1. Sontaha ke letsatsi la pele le qalang veke, 'me ke letsatsi leo 'Mopi oa rona a qalileng ho hlola ka lona
2. Sontaha ha esale ele letsatsi la mosebetsi ho tloha ts'imolohong
3. 'Mopi oa rona haaka a hlohonolofatsa letsatsi la Sontaha joalo kaha a entse ka letsatsi la bosupa
4. Messiah haale lefats'eng ona phutheha ka Sabbatha, 'me ka Sontaha a etsa mesebetsi ea hae ea letsatsi le letsatsi joalo kaho betla lepolanka
5. Messiah ona ipitsa Morena oa Sabbatha ha ale lefats'eng, haaka a ruta letho mabapi le bohlokoa ba Sontaha
6. Messiah o ile a tsoha bafung ka Sontaha, 'me o re sietse kolobetso ea metsi ele lets'oao la ho ananela lefu la tsoho ea hae
7. Barutuo ba Messiah ba ile ba nna ba kopana ka Sontaha joalo kaha bane ba kopana ka matsatsi oohle ho ngoatha mahobe



